

Rom

Rom niŋ Yesuyen alya bereya hitte Pol beleş asaŋ kayyiŋ

¹ Nebe Pol, Yesu Kristuyen metenŋ al. Al Kurunŋ beleş meremiŋ igiŋ Yesu niŋ yitiŋ goyen tagal tagal niŋ ten ne gayen basaŋa nirde Yesuyen mere basaŋ al aposel niryiŋ.

² Be, mere igiŋ Yesu niŋ yitiŋ gobe Yesu megen gar ma wakeya bikkenŋ wor po Al Kurunŋ beleş Urmiŋ goke biŋa ten mere basaŋ marmiŋ porofet yinke Al Kurunŋyen asaŋ wukkenŋ wor po bana goŋ kayamiŋ go goyen.

³ Al Kurunŋ Urmiŋ al hiriŋ gobe Israel marte doyaŋ al kurunŋ Dewityen miŋde mat forok yiriŋ.

⁴ Goyenbe Al Kurunŋ beleş Holi Spirityen tareŋde al goyen kamtiŋde mat isaŋ hekeb yeŋbe Al Kurunŋ Urmiŋ goyen kawan wor po hiriŋ. Yeŋbe Yesu Kristu nende Doyaŋ Al Kurunŋ.

⁵ Urmiŋ metenŋ tiyyiŋ goke tenbe neya metenŋ kadne yagoya gayen Al Kurunŋ beleş buninŋen dirde igiŋ igiŋ dirde aposelmiŋ diryiŋ. Go diryiŋ gobe Urmiŋ goke ten Yuda mar moŋ al miŋ hoyan kurunŋ goyen hitte tagalde tukunŋ hitekeb yeŋ ge dufaymiŋ tareŋ irde meremiŋ gama irde hinayiŋ yeŋbe gogo aposelmiŋ diryiŋ.

⁶ Deŋ wor al miŋ hoyan Yuda mar moŋ bana mat hoy dirtiŋ geb, Yesu Kristuyen yufukde han mar hitiŋ hanŋ.

⁷ Niŋgeb asaŋ gabe deŋ Rom niŋ alya bereya tumŋaŋ Al Kurun beŋ bubulkuŋne wor po yeŋ nurd dunenbe, “Nere kudiŋeŋ henayiŋ,” yeŋ hoy diriŋ goke asaŋ gago kaŋ hime.

Adoniniŋ Al Kurunya Doyaŋ Al Kurun Yesu Kristuya beŋ bunineŋ dirde igiŋ igiŋ dirdeb bitiŋ yisikamke igiŋ po hiwoŋ yeŋ nurde hime.

Polbe Rom niŋ mar yenmewoŋ wor po yeŋ nuryiŋ

⁸ Be, asaŋ kaŋ hime gayen bana mere meheŋde wor po momoŋ direŋ tihim gobe gahade: deŋ beŋ Yesu Kristu niŋ dufaytiŋ saŋiŋ irtiŋ haŋ gote mere momoŋtiŋbe megeŋ kurun gayen ep heŋ tukun hi. Niŋgeb nebe matatiŋ goke Al Kurun igiŋ wor po nurd unen himyen. Go teŋ himyen gobe Yesu Kristu beŋ faran nurkeb gogo teŋ himyen.

⁹⁻¹⁰ Fudinde, Al Kurun gusuŋaŋ irde henya hugineŋ deŋ ge bene sir ma yeŋ hiyen gobe Al Kurun wor fudinde yeŋ nurde hi. Al Kurun niŋ meten teŋ hime gabe bener mat fudinde wor po mere igiŋ Urmiŋ goke yitiŋ goyen tagalde tukun himyen. Irde deŋ hitte kun kun niŋ kurut yeŋ himyen gega, go ma kun dinmiriŋ geb, gayen-terbe Al Kurunen dufayde kenem deŋ hitte kun kun niŋ beŋ kerd nunwoŋ yeŋ nurde gusuŋaŋ irde hime.

¹¹ Fudinde, nebe deŋ goyen Holi Spirityen tareŋde mata forok yird yird gote tareŋ nuntiŋ goyen kura dunmeke saŋiŋ hewoŋ yeŋ nurdeb deŋ hitte kun dentek wor po nurde hime.

¹² Gogab denya neya tumṅaṅ heṅbe ne belen Yesu niṅ dufayne tareṅ irde himyen goyen den belen nenenbe tareṅ henayin, irde ne wor den dufaytin Yesu niṅ saṅin irtin goyen denenbe tareṅ hewen.

¹³ Goyenbe, kadne yago, nebe den hitte kuṅ dene yeṅ wawuṅ budamde kurut yeṅ himyen gega, belen miṅmoṅ wor po nirde hike waṅ waṅ gago hihi goyen nurwoṅ yeṅ nurde hime. Nebe al miṅ hoyan Yuda mar moṅ naṅa hoyande haṅ mar hitte kuṅ meten teṅ gote igineṅ yawarde hinhem gwahade goyen po, den hitte wor kuṅ meten teṅ gote igineṅ yawarmewoṅ yeṅbe gogo den hitte kuṅ kuṅ niṅ kurut yeṅ himyen.

¹⁴ Be, nebe Grik marya* al miṅ hoyan Grik mar moṅya hitte kuṅ meten teṅ teṅ gobe bada hetek epte moṅ, meten go titek po hime. Irde al dufaymin wukkeṅ ma dufaymin wukkeṅ moṅ goke meten teṅ hayin ninyin geb, goyen goke manan meten teṅ hitek po himyen.

¹⁵ Gwahade niṅgeb den Rom niṅ mar hitte wor kuṅ Yesu niṅ yitin mere igin goyen tagaltek wor po nirde hi.

¹⁶ Fudinde, Yesu niṅ yitin mere gobe Al Kurunyen tareṅ geb, al kura mere go fudinde yeṅ nurde gama irde haṅ mar goyen igin Al Kurun hitte yumulgan titek hi. Yumulgan tiyyen mar goyen mehenbebe Yuda mar wa yawaryen, irde gab Yuda mar moṅ al miṅ hoyanbe kame

* **1:14:** Grik marbe megen niṅ alyen saba karkuwan yawartin mar yeṅ nurde yunen hanyen. Munan al miṅ hoyanbe gwahade yawartin mar moṅ yeṅ nurd yunen hanyen.

yawaryeņ. Niņgeb goke teņbe Yesu niņ yitiņ mere igiņ tagal tagal niņ memya ma heņ hime.

¹⁷ Al Kuruņ beleņ Yesu niņ yitiņ mere goyen hende huwardeb yingēņ diliņde al huwak heņ heņ belēņ goyen kawan forok irde hi geb, mere igiņ gobe Al Kuruņyen saņiņ diniņ hime gago. Al Kuruņbe al kura Yesu niņ dufaymiņ tareņ irde hinayiņ mar go po gab al huwak yeņ yinyeņ. Al huwak heņ heņ beleņ hoyaņbe hubu wor po. Niņgeb goke Al Kuruņyen asaņde gahade katiņ hi: “Al kura Al Kuruņ niņ dufaymiņ tareņ irke Al Kuruņ beleņ al huwak yeņ kinyeņ al gobe Al Kuruņya hugiņeņ hiriryeņ,” yitiņ hi.
Habakuk 2:4

Al Kuruņbe alyen mata buluņ goke biņ ar yeņ hiyen

¹⁸ Goyenpoga megen niņ alya bereyabe Al Kuruņ palap irtek mata ma teņ mata buluņ po teņ haņ. Go mar gobe mata buluņ teņbe Al Kuruņyen mere fudiņde goyen pel irde haņyen. Goke teņbe Al Kuruņ saņiņmiņ kuruņ wor po gore beararmiņ yikala yirde hiyen.

¹⁹ Al Kuruņbe al gwahade yeņ al beleņ keneņ bebak tinayiņ yeņbe kawan po yikala yirtiņ geb, al beleņ Al Kuruņbe gwahade yeņ keņkela nurd untek po haņyen.

²⁰ Al Kuruņyen mataya tareņmiņ hubu ma hetek goya gobe al diliņde epte ma yeneņ bebak titek. Goyenpoga det Al Kuruņ beleņ yirtiņ goyen yeneņbe matamiņya tareņmiņya gobe gwahade yeņ bebak titek. Niņgeb al kura beleņ epte ma, “Nebe Al Kuruņ ma nurde uneņ hime,” yiyyeņ.

²¹ Al belen Al Kurunbe al gwahade yen nurde hinhan gega, yenbe Al Kurun yen denem turun yan ma irde, igin nurd unen unen mata ma ten hinhan. Dufaymin gote iginenbe hubu wor po. Dufayminbe kukuwamnen wor po geb, kidoma bana han yara Al Kurunyen mere fudinde goyen epte ma bebak titek hinhan.

²² Mel gobe dufay wukkekninin yan yen hinhan gega, kukuwa po hen hinhan.

²³ Irdeb Al Kurun gwahader hitin goyen denem turun yan irtinenbe harhok unen al yingen haninde det toney yirtin kame hubu hetek goyen Al Kuruninin yen turun yirde hinhan. Det toney yirde hinhan gobe al, nu, dapna, irde det megen gargar kun hitin gote toney yirde dolon yirde hinhan.

²⁴ Ningeb Al Kurun belen matamin goke yenen unan tikeb dufaymin bulun go po gama irde mata bulun kurun po ten hinhan. Gwaha yirkeb megen nin mata bulun titek dufaymin go po gama irde lelep mata ten yingen goyen bulun wor po yirde hinhan.

²⁵ Mel gobe Al Kurunyen mere fudinde goyen gama irtinenbe usi mere gama irde hinhan. Irde Al Kurun, det kurun gayen yiriyin al goyen dolon irde yen ge meten titnenbe yen belen yiriyin det goyen yade dolon yirde goke meten ten hinhan. Goyenbe huginen turun irtek albe Al Kurun, yen unkenen wor po. Fudinde wor po.

²⁶ Be, mel gobe mata gwahade ten hinhan geb, gogo Al Kurun belen yubul tike mata memyak ten ten dufay belen po haga yuriyin. Gwaha yirkeb berebe un yagoya ulin gabu ird ird belnen wor po

goyen tubul tenbe bere yingen ulin sikken gabu yirde hinhan.

²⁷ Gwahade goyen po, al dirinj wor berem yagoya ulin gabu ird ird belnen fudinde goyen tubul tenbe al yingen ulin sikken gabu ird ird nin po pultik yen hinhan. Al yingen ulin mata bulun mormok memyak wor po goyen ten henbe gote murungem bulun wor po gobe bikken taminyen hinhan.

²⁸ Goyenbe go po mon. Albe Al Kurun nurd unen unen nin igin ma nurde hinhan geb, yen belen yubul tike yingen de dufay bulun go po gama irde mata bulun Al Kurun belen bisam irtin goyen ten hinhan.

²⁹ Be, gwaha ten hike bindebe mata huwak monya mata bulunya det ugun po yad yad nin po dufay hen hen matayabe dufay bulunya kurayen kurayen gore po makin hitin hinhan. Irde kadom igin mat hike yenenbe dani nene gwahade mon yen nurd nurd mata, al gasa yirke kamde kamde mata, fulen mata, al usi yird yird mata, al bulun yird yird mataya al yiya yird yird matayabe kurun wor po.

³⁰ Go mar gobe mere bulun mat ten ten mata, Al Kurun nin igin ma nurd unen unen mata, parpar mata, nen nurhet nurhet matayabe, yingen ge turun turun ten ten mataya ten hinhan. Irde mata bulun tinen yingen forok yirde hinhan. Irdeb milinya naninyat mere ma nurde hinhan.

³¹ Go mar gobe dufay igin minmon, irde mere kura ten go ma gama ird ird mata, al hoyan nin amanen ma nurd nurd matayabe, al hoyan buninen nurd yunen yunen matabe hubu wor po.

³² Mata go tenj hanj marbe Al Kurunj belen gasa yirke kamnayıñ yenj Al Kurunyen saba sanjın huwak wor po goyenter yitiñ gobe nurde hanjen gega, mata bulun go tenj tenj niñ bada ma hen hanjen. Goyenbe go po moñ. Mel gobe al kura dilinje mata goyen tenj hike yenenbe, “Mata igin tahañ,” yinenj turunj yirde hanjen.

2

Mata bulun marbe Al Kurunj belen merem yan yiryen

¹ Niñgeb denj megen niñ marbe mata bulunniñ ga moñ yenj kadtinje mata kura yenen goke tagal yunen hanj gobe igin ma tenj hanj. Kadtinje mata goke yenj hanj gobe dindiken wor mata bulun gwahade po tenj hanj geb, meretin goreb dindiken goyen po merem yanj dirde hi.

² Al Kurunj belen mata gwahade tenj hanj mar goyen merem yan yiryen gobe mali mali ma yiryen, mata bulunminj goyen kenkela bebak yirdeb merem yan yiryen yenj nurde hite.

³ Niñgeb denj megen niñ mar belen al kura mata bulun tikeb goke tagalde hanjen gega, denj wor mata bulun goyen tenj hanjen kenem Al Kurunj belen matatinj goke merem yan ma diryen yenj nurde hanj?

⁴ Irde Al Kurunj belen igin igin dirke mata buluntin yubul tenj Al Kurunj niñ bitin mulgan haminj goyen bebak ma tenj hanj? Niñgeb yenj belen igin igin dirde mata buluntin goke aranjen ma merem yan dirdeb bitin mulgan hewon yenj

doyan hej hej ge piñeñ ma hej hiyen goyen det dirñeñ yeñ nurde hañ?

⁵ Goyenpoga deñbe tonañtiñ tareñ wor po, irde mata bulunñiñ yubul teñ Al Kurunñ niñ bitinñ mulgañ hetek dufay ma heñ hañ geb, mata bulunñ teñ tebañ teñ hikeb mata bulunñiñ kurunñ wor po heñ hi. Gwaha teñ hike kunñ kunñ nalu funañ forok yekeb Al Kurunñ belenñ mata bulunñiñ kurunñ goke bearar teñ goke merem yañ wor po diryeñ. Yeñ belenñ merem yañ diryeñ gobe huwak mat diryeñ geb, al kura belenñ goke daniñ gwaha taha intek moñ.

⁶ Al Kurunñbe megen niñ alya bereya kurunñ gayen matamiñ dahade teñ hitinñ gobe murunñgem wor gwahade po yunyeñ.

⁷ Al kura hugineñ mata iginñ po teñ henya Al Kurunñ deñem turnunñ yañ irde palap irde yenya hugineñ hiwoñ yeñbe gwahade heñ heñ belenñ niñ nanñkeneñ hañ marbe Al Kurunñ belenñ yingenyã hugineñ heñ heñ mata goyen yunyeñ.

⁸ Gega al kura yingeneñ ge po nurde hañ maryã Al Kurunñyen mere fudinde pel irde mata bulunñ po gama irde hañ maryãbe Al Kurunñyen bearar bana po heñ gote murunñgem bulunñ wor po tenayinñ.

⁹ Ninñgeb al kura Al Kurunñ dilingde mata bulunñ teñ hañ marbe tumñanñ kanduk kurunñ bana heñ biñ misiñ wor po nurde hinayinñ. Mata gwahade gobe Yuda mar hitte forok yiyyenñ, irde Grik mar hitte wor forok yiyyenñ.

¹⁰ Munañ al kura Al Kurunñ dilingde mata iginñ teñ hañ marbe tumñanñ Al Kurunñ belenñ deñem turnunñ yañ yirde, turunñ yirde, biñ yisikamke iginñ po hinayinñ. Mata gwahade gobe Yuda mar

hitte forok yiyyen, irde Grik mar hitte wor forok yiyyen.

¹¹ Al Kurunbe al miñ kura po igiñ yirde al miñ hoyanbe bulun yirde ma ten hiyen geb, gogo al tumñan hitte gwahade po forok iryen.

¹² Be, Yuda mar moñ al miñ hoyan Moseyen saba ma nurdeya ga mata bulun ten han marbe Al Kurun belen gwamuñ yuryen gega, Moseyen saba go hende ma huwarde gwamuñ yuryen. Munan Yuda mar, Moseyen saba nurdeya ga mata bulun ten han marbe Moseyen saba go hende huwarde merem yan yiryen.

¹³ Gobe Moseyen saba duliñ nurde han marbe Al Kurun diliñde huwak moñ, munan saba goyen nurde gama irde han marbe al huwak yen yinyen geb, gago dineñ hime.

¹⁴ Be, al miñ hoyan Yuda mar moñ Moseyen saba go ma nurde han mar kurabe ma nurde henya saba goyen gama irde hanyen. Al gwahade gobe yinñen Moseyen saba goyen nurtin yara geb, Moseyen sabare mata gwaha gwaha ten hinayin yitin goyen binde po pul yeke gama irde hanyen.

¹⁵ Go ten han gobe mel gore ma nurde hikeya bin bana Moseyen saba goyen kirtin yara han goyen dikala dirde han. Irde mata bulun ninbe binde mat bulun yen nurde han, munan mata igiñ ninbe igiñ yen nurde han.

¹⁶ Be, Al Kurun belen al merem yan yird yird gobe nalu funande forok yiyyen. Go nalurebe Al Kurun belen Yesu Kristu inke alyen dufay bulun banare hitin goyen kawan yirde goke merem yan yiryen. Yesu nin yitin mere igiñ ne belen tagalde

hinyen gore mere gayen kawan po dikala dirde hi.

Yuda marya Moseyen sabaya

¹⁷ Be, den hañ bana goyen al kura belen, “Nenbe Yuda mar. Irde Al Kurun belen saba Mose unyinj goyen kenkela gama irde hityen geb, nen po gab Al Kurunya awalikde hite,” yen yingen ge turun turun ten hanjen.

¹⁸ Go mar goreb, “Nenbe Al Kurunyen dufay kenej bebak ten hityen. Irde Moseyen saba gama irde iginj mat po mata ten hityen geb, daminbe iginj munañ daminbe bulun goyen kenkela bebak ten hityen,” yen hanjen.

¹⁹ Irdeb, “Nenbe al kura dilinj titmin yara Al Kurun nurde unen unen belen ma kenej hañ mar goyen belen yikala yirde hityen. Irde mata bulun gote kidoma bana hañ mar gote hulsi yara henbe Al Kurunyen mere kenkela bebak yirde hityen,” yen hanjen.

²⁰ Irde Moseyen saba bana mere fudinde gobe nurd pasi hitinj yen nurdeb, “Al dufayminj kukuwamnenj marte mata sope irde, al kura dirinj kalak yara Al Kurunyen mata kenkela ma bebak ten hañ mar goyen saba fudinde yirde hityen,” yen hanjen.

²¹ Goyenpoga den gwahade nurde al hoyan saba yirde hañ marbe dahade ningeb dindikenbe sabatinj goyen gama ma yirde hañ? Al hoyanbe kawe ma ten hinayinj yinenj hañ gega, dindikenbe daninj kawe ten hañ?

22 Den beley al hoyanbe, “Al berem yanbe bere hoyanya duwan tej tej mata ma tej hinayin,” yinen han gega, denbe go mata goyen tej han. Irde det toney yirtin goyen dolon yird yird matamin goke bulun wor po nurd yunen han gega, danin geb det toney dolon yird yird gasunde kun detmin kawe tej han?

23 Denbe Moseyen saba nurde han go mun goke turun turun tej han gega, sabamin goyen pel irde mata bulun tej han goreb Al Kurunyen denem bulun irde han.

24 Den Yuda marte mata gokeb Al Kurunyen asande gahade katin hi: “Den gore mata bulun tikeb al min hoyan Yuda mar mon beley denenbe Al Kurun nanyan irde han,” yitin.

25 Be, den beley Moseyen saba kenkela gama irde han kenem guba yen yen mata gobe min minyan hiyyen. Goyenpoga sabamin go walde han kenem guba yitin han gobe min minmon hen al min hoyan Yuda mar mon yara henayin.

26 Gega al min hoyan Yuda mar mon gore Moseyen saba kenkela gama irde hinayin kenem mel gobe guba ma yitin gega, Al Kurun dilindebe guba yitin yara henayin.

27 Ningeb al min hoyan Yuda mar mon guba ma yitin goreb Moseyen saba kenkela gama irde hinayin gobe go mar goreb den Yuda mar Moseyen saba kenkela nurtin irde guba yitin gega saba pel irde han mar goyen kame Al Kurun dilinde huwarde merem yan dirnayin.

28 Fudinde, al kura Yuda marte mata gama irdeb ulinde po Yuda mar al hiyyen, goyenpoga Al

Kuruṅ dilingdebe Yuda mar al fudinde ma hiyyeṅ. Uliṅde po guba yiyyeṅbe epte ma Yuda mar al fudinde hiyyeṅ.

²⁹ Niṅgeb al kura biṅde mat wor po Al Kuruṅ nurd uneṅ haṅ mar go po gab Yuda mar fudinde wor po. Irde Al Kuruṅ dilingde guba yeṅ yeṅ mata fudindebe duling Moseyen saba hende hendem po gama irde sisihik walde hinayiṅ gogo moṅ. Guba yeṅ yeṅ mata fudindebe Holi Spirit beleṅ al biṅde dufayya mataya gergeṅ yiryenṅ gogo. Al gwahade gobe al megen niṅ beleṅ ma turuṅ yirnayiṅ. Al Kuruṅ beleṅ po gab turuṅ yirde hiyeṅ.

3

Al Kuruṅyen mata huwak

¹ Be, Yuda marbe gwahade geb Yuda mar al heṅ heṅ gote igineṅbe dahade? Irde guba yeṅ Yuda mar henayiṅ gote igineṅ igiṅbe dahade go goyen tenayiṅ?

² Fudinde, Yuda mar hittebe det igiṅ budam haṅ. Goyenbe det igiṅ budam haṅ bana goyen det kuruṅ wor pobe Al Kuruṅ beleṅ Yuda mar goyen basiṅa yirdeb meremiṅ yunyiṅ gogo.

³ Goyenpoga Yuda mar kurabe Al Kuruṅ beleṅ meremiṅ yunyiṅ goyen biṅde mat fudinde yeṅ ma nurdeb gama ma iramiṅ. Gwahade niṅgeb mel gote matamiṅ goke Al Kuruṅ beleṅ igiṅ ma nurdeb bikkeṅ mel goke biṅa tiyyiṅ goyen walyeṅ?

⁴ Epte moṅ wor po. Megen niṅ marbe gwaha gwaha titek yeṅ biṅa teṅ hanyen goyen ma gama irde usi po teṅ hanyen gega, Al Kuruṅbe mere

tenbe goyen po gama irde hiyen. Niŋgeb goke tenbe Al Kurunyen asanđe gahade katiŋ hi:

“Doyaŋ Al Kurun, ge belen merere huwarde mere tikeb mata huwakge kawan hiyyen, irde al kura belen usi tiya gintek ma hayiŋ,” yitiŋ. *Tikiŋ 51:4*

⁵ Goyenbe megen niŋ marte matare gaha yewen geb, mere gabe igiŋ ma bulun goyen dufay henaŋ ko. Mere gobe gahade: Al Kurunbe al huwak wor po goyen nende mata bulun belen kawan wor po irde hi kenem goke daha yetek? “Daniŋ mata bulunniŋ goke Al Kurun belen bearar tenbe gote murun gem bulun dunen hi? Gobe igiŋ ma tiya!” yetek?

⁶ Moŋ, epte ma gwaha yetek! Munan mere goyen fudinde manhan megen niŋ marte mata bulun gote murun gembe epte ma yunwoŋ.

⁷ Gega al kura belen dufaymiŋ soŋ hekeb, “Ne belen usi mata timekeb gore Al Kurunbe mata fudinde po ten hi goyen kawan iryen. Irkeb denem turun yan hiyyen. Goyenbe dahade geb Al Kurun belen mata bulun al nineŋ merem yan niryen? Epte moŋ!” yiyyen.

⁸ Mere gobe kukuwamnen wor po. Mere gobe, “Kame mata igiŋ forok yen yen ge ten mata bulun ten hitek,” yen han yen go goya tunande. Goyenbe al kura belen nen gayen mere bulun mat dird dird niŋ tenbe nen ge yen, “Mel gore al saba gwahade yirde han,” dinen han. Niŋgeb go mar gobe Al Kurun belen mere ten han gote murun gem bulun wor po yuntek mata goyen gogo ten han.

Megen niŋ marbe tumnan mata bulun minyan

⁹ Be, gwahade niñgeb neñ Yuda marbe al miñ hoyañ Yuda mar moñ gote folek? Moñ. Ne beleş meheñde Yuda mar ma al miñ hoyañ wet kura goyen tumñañ mata buluñ bana hañ dinhem gogo.

¹⁰ Be, mere gokeb Al Kurunyen asañde gahade katiñ hi:

“Al Kurun diliñde al huwakbe hubu wor po.

Al kura huwak ma po hi.

¹¹ Al kura Al Kurunyen mere bebak ma po teñ hi.

Hubu wor po.

Al unñkuren muñ kura Al Kurun niñ ma nanñkenen hi.

¹² Al tumñañ soñ heñ mata buluñde katiñ geb,

Al Kurunyen meten epte ma titek hañ.

Al unñkuren muñ kura mata igiñ titek ma hi. Hubu wor po.” *Tikiñ 14:1-3; 53:1-3; Eklisiastis 7:20*

¹³ “Al hapekbe al mete titek gasuñ yara geb, meremiñ gore al hoyañ buluñ yirde hi.

Irde melak beleşbe usi mere po teñ hi.” *Tikiñ 5:9*

“Irde dinonñdebe kunere duwi beleş al yisike kamde hanñen det goyen hañ.” *Tikiñ 140:3*

¹⁴ “Mohonñdebe al karan yurde al biñ misiñ kattek mere beleş po makiñ hi.” *Tikiñ 10:7*

¹⁵ “Kahanñbe hugiñen al gasa yirke kamde kamde niñ po aranñ kuñ hañ.

¹⁶ Yen beleş nanña damde kunayiñ kurun gobe hugiñen al buluñ yirde, kanduk kurun wor po yunen hañ.

¹⁷ Yenñbe al biñ kamke igiñ heñ heñ beleşbe go ma nurde hañ.” *Aisaia 59:7-8*

18 “Go mar gobe Al Kurunj niŋ kafura ma heŋ haŋ,” yitiŋ hi. *Tikiŋ 36:1*

19 Be, neŋbe Moseyen saba bana mere yitiŋ kurunj gobe saba gote yufuk bana haŋ mar goke yitiŋ yeŋ nurde hite. Gogab megen niŋ al kura beŋ mata bulunjin goke epte ma, “Nebe al huwak,” yiyyeŋ, irde megen niŋ mar tumŋaŋ Al Kurunj diliŋde uliŋde merem yaŋ henayiŋ.

20 Niŋgeb al kura Moseyen saba tumŋaŋ gama irtek miŋmoŋ geb, al tumŋaŋ epte ma Al Kurunj diliŋde al huwak henayiŋ. Gwahade yarabe Moseyen saba goreb mata bulunjinin kawan dikala dirke yeneŋ bebak teŋ hityen.

Al Kurunj diliŋde huwak heŋ heŋ beŋ

21 Niŋgeb Al Kurunj diliŋde al huwak heŋ heŋ beŋ hoyan dikala dirtiŋ hi. Gobe Moseyen saba moŋ. Beŋ goke bikkeŋ Mose beŋ sabamiŋde tagalyiŋ, irde Al Kurunyen mere basan mar poro-fet wor goke tagalamiŋ.

22 Niŋgeb al kura Yesu Kristu niŋ dufaymiŋ tareŋ irnayiŋ marbe tumŋaŋ Al Kurunj beŋ al huwak yinyeŋ. Yesu niŋ dufaymiŋ saŋiŋ irtiŋ mar bana kurabe huwak, munaŋ kurabe huwak moŋ ma yinyeŋ. Tumŋaŋ tuŋande ala al huwak yinyeŋ.

23 Fudiŋde, al tumŋaŋ Al Kurunj diliŋde mata bulunj titiŋ ala geb, Al Kurunyen tareŋ turnun yaŋ bana epte ma hitek haŋ.

24 Gega Al Kurunj beŋ bunineŋ yirde igiŋ igiŋ yirde hiyen geb, Yesu Kristu beŋ yumulgan teŋ teŋ beŋ kirtiŋ goyen gama irde hinayiŋ marbe

al huwak yeŋ yinyeŋ. Goyenbe gwahade heŋ heŋ gobe muruŋgem moŋ, duliŋ gwahade hinayiŋ.

²⁵ Al Kurunbe al kura Yesu Kristu beleŋ yeŋ ge teŋ darim wok irde kamiŋ goke dufaymiŋ tareŋ irkeb mata buluŋmiŋ halde yuneŋ yeŋ Yesu goyen teŋ kerke katiŋ. Irde alyen mata buluŋ niŋ teŋ dapŋa gasa yirde Al Kurun galak irtiŋ yara hiriŋ. Al Kurun beleŋ go tiyyiŋ gobe matamiŋ huwak goyen Urmiŋ uliŋde kawan forok iryiŋ. Kawan forok iryiŋ gobe Al Kurun beleŋ bikkeŋ al mata buluŋ teŋ hinhan goyen goke ma nurde araneŋ bearar ma teŋ gote muruŋgem ma yuneŋ hinhide mat gogo matamiŋ huwak goyen kawan forok iryiŋ.

²⁶ Al Kurun beleŋ Yesu uliŋde mata buluŋniniŋ gote muruŋgem unyiŋ gobe Al Kurunbe al huwak goyen kawan dikala dird dird niŋbe gogo tiyyiŋ. Gwaha tiyyiŋ al gobe al huwak wor po. Irde al kura Yesu niŋ dufaymiŋ saŋiŋ irnayiŋ marbe tumŋaŋ al huwak yeŋ yinyeŋ goyen kawan dikala direŋ yeŋbe gogo tiyyiŋ.

²⁷ Niŋgeb neŋ albe da mataniniŋ goke turuŋ turuŋ teŋ hitek? Irde belneŋ damiŋ go goyen gama irde al huwak hetek? Moseyen saba gama irde Al Kurun diliŋde al huwak hetek? Epte moŋ! Yesu niŋ dufayniniŋ tareŋ irteke gab Al Kurun beleŋ al huwak yeŋ dinyeŋ.

²⁸ Fudinde, albe epte ma Moseyen saba gama irde Al Kurun diliŋde al huwak henayiŋ yeŋ nurde hite. Yesu niŋ dufaymiŋ tareŋ irde gab al huwak henayiŋ yeŋ nurde hite.

²⁹ Be, Al Kurun gayen Yuda marte Al Kurun

po? Yenbe al miñ hoyañ Yuda mar moñ gote Al Kurun moñ? Moñ geb! Yenbe al miñ hoyañ gote Al Kurun manañ geb.

³⁰ Ga yihim gabe Al Kurunbe unkenen po geb, gago yihim. Niñgeb Yuda mar guba yen hanjen goya al miñ hoyañ guba ma yen hanjen goya goyen Yesu niñ dufaymin sanin irnayinbe tumnan Al Kurun dilinde huwak yen yinen.

³¹ Be, gwahade niñgeb nenbe Yesu niñ dufayninin taren irde hityen geb, Moseyen sababe pel irde mali mata titek? Moñ, epte ma gwaha titek. Nen beñ Yesu niñ dufayninin taren irde hitekbe Moseyen saba gote miñ kurun goyen tumnan gama irde pasi hetek.

4

Abrahambe al huwak

¹ Be, Abrahambe nen Yuda marte asininin. Niñgeb Abrahambe daha tiyyin goyen goke nurtek. Gogab Yesu Kristu niñ dufay sanin ird ird mata goyen bebak titek.

² Be, Abrahambe mata ingin ten hinhin gore Al Kurun dilinde al huwak iryin manhan matamin goke yingen ge turun turun tiwon. Gega matamin goke kura Al Kurun dilinde turun turun titek moñ hinhin.

³ Niñgeb goke Al Kurunyen asande dahade katin hi? Merebe gahade: “Abraham go Al Kurun beñ mere iryin goyen fudinde yen nurdeb dufaymin taren iryin. Irkeb Al Kurun beñ go kenenbe al huwak yen nurd unyin,” yitin hi.

⁴ Be, al kura meten tikeb meten gote miñ al gore murungem unyen. Niñgeb murungem gobe meten tiyyen gote damum geb, dulin una ma yetek.

⁵ Goyenpoga Al Kurunbe al kura mata igin tiyyen goke al huwak ma inyen. Gwahade yarabe al kura Al Kurun beñ mata bulun mar goyen igin al huwak yiryen yen nurde yen ge dufaymin taren irkeb goke Al Kurun beñ al go al huwak yen nurd unyen.

⁶ Niñgeb Israel marte doyan al kurun Dewit manan al kura Al Kurun beñ al gote meten dahade tiya goke ma nurdeb al huwak inyen al gobe Al Kurun beñ guram irde sanin irtin al wor po yen nurdeb gaha yirin:

⁷ “Al kura Al Kurun beñ mata bulunmin halde unenbe mata bulun minmon inyen al gobe amanen wor po nurde hiyen.

⁸ Irde al kura Doyan Al Kurun beñ mata bulunmin goke ma nuryen al gobe amanen wor po nurde hiyen,” yitin hi. *Tikin 32:1-2*

⁹ Be, Al Kurun beñ gwaha mat guram yirde taren yirtek marbe Yuda mar guba yen hanyen goyen po guram yiryen? Ma, al min hoyan Yuda mar mon guba ma yen hanyen goyen manan guram yiryen? Tumnan guram yiryen geb. Be, Abraham nin nurnan. Nenbe, “Abraham beñ Al Kurun nin dufaymin taren irke Al Kurun beñ al huwak inyin,” yihit.

¹⁰ Gega Abrahambe daha nanan Al Kurun dilinde al huwak hirin? Guba yirin kamere ma guba

ma yiriŋya? Yeŋ al huwak hiriŋ gobe guba ma yiriŋya al huwak hiriŋ.

¹¹ Irdeb kame gab guba yiriŋ. Guba yiriŋ gobe yeŋ beleŋ guba ma yeŋya Al Kurunŋ niŋ dufaymiŋ saŋiŋ iryiŋ goke teŋ Al Kurunŋ beleŋ al huwak inyiŋ gobe fudinde yeŋ bebak teŋ teŋ niŋ gogo guba yiriŋ. Niŋgeb yeŋbe al kura guba ma yitiŋ gega, Al Kurunŋ niŋ dufaymiŋ tareŋ irde haŋ mar kurunŋ gote naniŋ hitiŋ hi. Gobe go mar goyen Al Kurunŋ diliŋde al huwak yeŋ nurd yuneŋ yeŋbe gogo Al Kurunŋ beleŋ Abraham goyen gwaha iryiŋ.

¹² Irde Abrahambe al guba yeŋ haŋyen marte naniŋ manaŋ. Goyenbe tumŋaŋ moŋ. Guba yitiŋ mar bana goŋ al kura Abraham beleŋ guba ma yeŋya Al Kurunŋ niŋ dufaymiŋ tareŋ iryiŋ mata goyen gama irde haŋ mar gote naniŋ hitiŋ hi.

Al Kurunŋbe biŋa tiyyiŋ goyen gama iryiŋ

¹³ Be, Abrahamya foŋeŋmiŋ yagoyabe kame megeŋ kurunŋ gayen teŋ gote miŋ mar henayiŋ yeŋ Al Kurunŋ beleŋ Abraham diliŋde biŋa tiyyiŋ gobe Abraham gore Moseyen saba gama irde hike gogo biŋa tiyyiŋ? Moŋ. Gwaha titŋeŋbe Al Kurunŋ niŋ dufaymiŋ saŋiŋ irke gab al huwak ineŋbe gogo biŋa tiyyiŋ.

¹⁴ Niŋgeb Al Kurunŋ beleŋ biŋa tiyyiŋ goyen Moseyen saba gama irde ga tetek manhan Al Kurunŋ niŋ dufay tareŋ ird ird gobe miŋ miŋmoŋ hewoŋ. Irde Al Kurunŋ beleŋ Abraham hitte biŋa tiyyiŋ goyen wor miŋ miŋmoŋ hewoŋ. Goyen-poga gwahade moŋ.

¹⁵ Moseyen sababe hi gega, al beleŋ goyen ma gama irde hikeb goreb Al Kurunŋyen bearar

bana yukun hiyen. Goyenbe Moseyen saba goyen minmon manhan al belen mata kura tike mata bulunbe gogo taha ma inen hiwon.

¹⁶ Ningeb albe Yesu Kristu nin dufaymin taren irke gab Al Kurun belen bikken detmin yunen yen bin tiyyin goyen yunen. Gogab Al Kurun belen buninen yirde igin igin yirdeb detmin dulin yunen yen bin tiyyin goyen Abrahamyen asem wen dufaymin yen ge sanin irnayin mar goyen tunan fudinde wor po tenayin. Al kura Yuda mar Moseyen saba bana han gore Yesu Kristu nin dufaymin taren irtin kenem yenbe Abrahamyen dirnen wen geb, Al Kurun belen yen ge bin tiyyin goyen tenayin. Irde al kura al min hoyan Moseyen saba bana ma han gore Yesu Kristu nin dufaymin taren irtin kenem yen wor Abrahamyen dirnen wen geb, yen wor tenayin.

¹⁷ Ningeb gokeb Al Kurunen asande gahade katin hi: “Ne belen al min kurayen kurayen kame forok yenayin kurun gote asem girhem,” yitin. Ningeb Abraham gobe Al Kurun dilindeb adoninin. Abraham gobe Al Kurun belen al kamtin wor igin yisan hiyyen, irde det minmon wor pore mat det forok yiryen yen dufaymin yen ge sanin iryin.

¹⁸ Abrahambe gwaha mat kura dirin minyan hewen yen ma nurde hinhinya goyenter Al Kurun belen bin tenya, “Asige yagobe budam wor po henayin,” inyin goyen fudinde yen nurde dirin nin doyan hen hinhin. Ningeb Al Kurun belen inyin gwahade po, al min kurayen kurayen kurun gote asem hirin.

¹⁹ Be, yeñ hitte dirin forok ma yekeyabe damam 100 heñ alik bulun po heñ gwaha mat kura dirin forok irtek ma hirin. Irde berem Sara wor gwahade po dirin yad yad nalumbe fole wor po tiyyin. Gega Abrahambe Al Kurun belen dirin ma nunen hi yeñ dufaymin taren ird ird goyen yul ma yirin.

²⁰⁻²¹ Yeñbe Al Kurun belen yeñ ge binja tiyyin goke hekken nurdeb dufay budam ma iryin. Irdeb Al Kurun belen binja tiyyin kurun goyen igin forok irde nunyen yeñ nurde hinhin geb, yeñ ge dufaymin taren irde hinhin gore sanin irkeb Al Kurun denem turnun yan irde hinhin.

²² Ningeb Al Kurun belen dufaymin taren goyen keneñbe, “Yeñbe al huwak,” yirin.

²³ Goyenbe Al Kurun belen asanminde mere bilmin “Yeñbe al huwak,” yirin gobe Abraham yeñ ge po ma yirin.

²⁴ Mere gobe neñ gayen gake manan yirin. Neñbe Doyan Al Kuruninin Yesu kamyinde mat isan hirin al Al Kurun goke dufayninin taren irde hite geb, al huwak yeñ nurd dunyen.

²⁵ Yesube nende mata bulun nin ten kamyin. Irkeb Al Kurun belen neñ gayen dilinde al huwak dire yeñ Yesu go kamyinde mat isan heke huwaryin.

5

Al huwak heñ heñ nin hoy diryin

¹ Be, gwahade ningeb Yesu nin dufayninin sanin irtekeb Al Kurun belen al huwak dinyin.

Niᅅgeb neᅅbe Doyaᅅ Al Kurunᅅniniᅅ Yesu Kristu hitte mat Al Kurunᅅya awalikde hite.

² Neᅅ belenᅅ Yesu niᅅ dufayniniᅅ tareᅅ irtekeb Yesu Kristu gore Al Kurunᅅ belenᅅ bunineᅅ dirde igiᅅ igiᅅ dird dird bana hurkunᅅ hurkunᅅ belenᅅ kerd dunyiᅅ. Irkeb neᅅbe go bana hite gago. Irde kame Al Kurunᅅyen tareᅅ turnunᅅ yaᅅ bana hitek yeᅅ nurde goke doyaᅅ heᅅ hite geb, amanᅅ heᅅ hityen.

³ Irde kanduk kurayen kurayen yeneᅅ hite gega, amanᅅ heᅅ hityen. Gobe kanduk gore saᅅiᅅ dirkeb kanduk hoyanᅅ kura wayyeᅅ gega, yul ma yeᅅ hitek,

⁴ irde kanduk yeneᅅ yul ma yetekbe mata bulunᅅ titek dufay goyen igiᅅ fole irde hitek, irde mata bulunᅅ titek dufay goyen igiᅅ fole irde hitekbe kame Al Kurunᅅ belenᅅ goke igiᅅ igiᅅ diryeᅅ yeᅅ goke doyaᅅ heᅅ hitek geb, gogo kanduk kurayen kurayen yeneᅅ hityen gega, amanᅅ heᅅ hityen.

⁵ Be, Holi Spirit Al Kurunᅅ belenᅅ dunyiᅅ gore Al Kurunᅅ belenᅅ neᅅ gayen bubulkunᅅne wor po yeᅅ nurde duneᅅ hiyeᅅ goyen fe wogortiᅅ yara irde dunyiᅅ. Niᅅgeb Al Kurunᅅ belenᅅ igiᅅ igiᅅ diryeᅅ yeᅅ goke doyaᅅ heᅅ heᅅ gobe miᅅ miᅅmonᅅ yeᅅ ma nurde hite.

⁶ Fudinde, neᅅbe mata bulunᅅ bana po heᅅ gwaha mat kura nindikeᅅ sope irtek miᅅmonᅅ wor po hitekeyabe Al Kurunᅅ belenᅅ nalu goyenter gwaha tiyeᅅ yiriᅅyab Yesu Kristu belenᅅ Al Kurunᅅ ma nurd uneᅅ mata bulunᅅ teᅅ haᅅ mar niᅅ teᅅ kamyiᅅ.

⁷ Fudinde, al kura al huwak kura goke teᅅ igiᅅ

kameŋ yeŋ yeŋbe meteneŋ wor po. Al igiŋ kura goke teŋ igiŋ kamtek yeŋ haŋ mar wor budam moŋ, yuŋkureneŋ po haŋ.

⁸ Goyenpoga Yesu Kristube neŋ gayen mata buluŋ bana po hitekeya neŋ ge teŋ kamyiŋ. Al Kurunbe neŋ gayen bubulkuŋne wor po yeŋ nurde duneŋ hiyen goyen gwaha matbe dikala dirtiŋyen hi.

⁹ Niŋgeb neŋbe Yesu Kristu beleŋ darim wok irde kamyiŋ go hende al huwak hitiŋ geb, kame Al Kurunyen bearar bana mat neŋ gayen fudinde wor po dade siŋa diriŋ.

¹⁰ Bikkeŋ neŋ gayenbe Al Kurunyen asogo hinhet gega, Urmiŋ teŋ kerke kateŋ kamyiŋde matbe Al Kurunya awalik hitiriŋ. Gega Urmiŋbe bida ma heŋ huwariŋ geb, Al Kurun beleŋ kame daha diriŋ? Dumulgaŋ po tiyyeŋ geb!

¹¹ Goyenbe go po moŋ. Neŋbe Doyaŋ Al Kuruniniŋ Yesu Kristu beleŋ Al Kurunya awalik dirtiŋ hite geb, goke gayenterbe Al Kurunya heŋ amaŋeŋ nurde hite.

Adamya Yesu Kristuya

¹² Be, gwahade goyen po al unkuŋeŋ Adam beleŋ mata buluŋ tikeb mata buluŋ megen gar forok yiriŋ. Irkeb mata buluŋ gote murunembe kamde kamde mata forok yiriŋ. Irkeb gor mat al tumŋaŋ mata buluŋ teŋ hinhan geb, tumŋaŋ kamde kamde bana po hinhan.

¹³ Be, Moseyen saba ma forok yiriŋya wor mata buluŋbe hinhin. Gega goyenterbe mata buluŋ teŋ hinhan gobe mata buluŋ yeŋ ma nurde hinhan.

¹⁴ Goyenpoga Adamyen nalure mat waŋ Mo-seyen nalure hinhan mar wor tumŋaŋ kamamiŋ. Al kura Adam beleş Al Kurunyen mere pel irde mata buluŋ tiyyiŋ gwahade ma tiyamiŋ mar wor tumŋaŋ kamde kamde mata gote yufuk bana hinhan.

Niŋgeb Adambe matamiŋ gote igineŋ buluŋ goyen alya bereya megen haŋ kurunŋ gayen hitte forok iryiŋ al. Gega al kura kame forok yiriŋ al gobe matamiŋ gote igineŋ igiŋ goyen alya bereya kurunŋ gayen hitte forok iryiŋ. Niŋgeb Adambe mata buluŋ forok iryiŋ al, munanŋ kame wayyiŋ al gobe mata igiŋ forok iryiŋ al.

¹⁵ Gega Al Kurunyen bunineŋ dufay goya Adamyen mata bulunŋabe tunande moŋ, hoyan hoyan. Fudinde, al unŋkureŋ Adam gote mata bulunŋde mat al budam kamde hinhan. Goyen-poga Al Kurunŋ beleş al bunineŋ yirde igiŋ igiŋ yirde yirde gobe kurunŋ wor po, mata buluŋ gote folek wor po. Irde al unŋkureŋ Yesu Kristu gore al bunineŋ yirde igiŋ igiŋ yirde kamiŋ go wor kurunŋ wor po. Yeŋ kamiŋ gobe Al Kurunŋ beleş detmiŋ damum moŋ duliŋ al yunyiŋ go goyen.

¹⁶ Be, det yuneŋ yeŋ Al Kurunŋ beleş damum moŋ duliŋ al yuntiŋ gobe al unŋkureŋ Adam beleş mata buluŋ tike gote murunŋgem titiŋ gwahade yara moŋ. Gobe gahade: al unŋkureŋ beleş mata buluŋ tikeb gor mat al merem yaŋ yirde murunŋgem yuneŋ yuneŋ mata forok yiriŋ. Goyen-poga al budam mata buluŋ kurayen kurayen titiŋ mar hitte Al Kurunŋ beleş detmiŋ damum moŋ duliŋ yuntek goyen yunkeb goreb Al Kurunŋ diliŋde al huwak yiryiŋ.

17 Be, al unĵkurenĵ Adam belenĵ mata bulunĵ tiyyinĵde matbe mataminĵ goke tenĵ albe kamde kamde mata yufuk bana hinhan. Gega al kura Al Kurunĵ belenĵ buninĵenĵ yirde iginĵ iginĵ yird yird bana henĵ al huwak hitinĵ marbe Al Kurunĵya huginĵenĵ henĵ det kurunĵ gayen doyanĵ yirde hinayinĵ. Mata gobe al unĵkurenĵ Yesu Kristu belenĵ forok iryinĵ. Al huwak henĵ henĵ gobe det kura Al Kurunĵ belenĵ damum moĵ dulinĵ al yunenĵ yirinĵ go goyen.

18 Niĵgeb Adamyen mata bulunĵ unĵkurenĵ* goyen misinĵdebe al tumĵnanĵ mata bulunĵ mar henĵ gote murunĵgem taminĵ gega, Yesu Kristuyen mata huwak unĵkurenĵ† goreb Al Kurunĵya huginĵenĵ henĵ henĵ goyen al tumĵnanĵ hitte forok ird yuntinĵ.

19 Al unĵkurenĵ Adam belenĵ Al Kurunĵyen mere pel iryinĵ go misinĵde al budam mata bulunĵ mar hitinĵ gega, al unĵkurenĵ Yesu Kristu belenĵ Al Kurunĵyen mere gama iryinĵ go hendebe al budam al huwak henayinĵ.

20 Moseyen sababe al tumĵnanĵ mata bulunĵminĵ kurunĵ wor po goyen yenenĵ bebak tinanĵ yenĵ duntinĵ. Goyenpoga mata bulunĵbe kurunĵ po henĵ hi geb, Al Kurunĵ belenĵ buninĵenĵ yirde iginĵ iginĵ yird yird matabe hubu henĵ hi? Hubu hitinĵ yarabe kurunĵ henĵ mata bulunĵ gote tareĵ fole irde hi.

21 Gogab mata bulunĵ misinĵde albe kamde kamde mata yufuk bana hitinĵenĵbe Doyanĵ Al Kurunĵninĵ Yesu Kristu hitte mat Al Kurunĵ belenĵ

* **5:18:** Al Kurunĵ belenĵ mata iginĵya bulunĵya bebak tenĵ tenĵ he iginĵenĵ ma nawayinĵ inyinĵ goyen mereminĵ pel irde nirinĵ goke yitinĵ.

† **5:18:** Mata huwak unĵkurenĵ gobe Al Kurunĵyen mere gama irde kuruse hende kamyinĵ goke yitinĵ.

buniņeņ dirde igiņ igiņ dirde al huwak dirkeb Al Kurunja hugiņeņ hitek.

6

Neņbe Yesu Kristuya kamtiriņ

¹ Be, gwahade niņgeb daha yetek? Al Kurun belen igiņ igiņ dird dird goyen kurun po hiwi yeņbe mata buluņ teņ teņ niņ bada ma hetek yiniņ?

² Gwahade moņ po! Al kamde detmiņ tumņaņ yubul teņ hanjen gwahade goyen po, neņ wor mata buluņbe tumņaņ yubul titiriņ. Niņgeb mata buluņ belen epte ma doyaņ dirde hiyeņ geb, megen gar epte ma mata buluņ teņ heņya hitek!

³ Neņbe tumņaņ Yesu Kristuya unķureņ heņ heņ ge baptais titiriņ gote miņbe yeņya unķureņ heņ kamtiriņ yara gobe nurde haņ gogo.

⁴ Be, neņbe gwahade po baptais titiriņ goya goyenbe Yesu Kristuya heņ kamteke mete dirtiņ yara hitiņ. Gogab Yesu Kristu goyen Naniņ belen saņiņmiņ turņuņ yaņ wor po gore isaņ hiriņ gwahade goyen po, neņ manaņ gwaha dirke Al Kurun diliņde al gergeņ heņ hitek.

⁵ Be, neņbe gwaha mat Yesu Kristuya unķureņ heņ kamtiriņ kenem yeņ huwaryiņ gwahade goyen po, neņ wor fudiņde Al Kurun belen disaņ heke huwartek.

⁶ Niņgeb Yesu Kristu kuruse hende mayke kamyiņ goyenter dufayniniņ bikkek megen niņ goyen manaņ kamyiņ yeņ nurde hite. Gogab neņ gayen mata buluņ belen epte ma wor po danarde boņ yeke gote yufukde hitek.

⁷ Gobe al kura Yesu Kristuya kuruse hende kamaryum al gobe Al Kurun belen mata bulun bana mat ten sina iryin geb, gogo mata bulun yufuk bana ma hi.

⁸ Be, neñbe Yesu Kristuya tumñan kamtirin kenem al gergen heñ yenya hite gayenbe fudinde wor po yen nurde hite.

⁹ Gobe Yesu Kristube kamtinde mat huwaryin geb, sopte ma kamyen yen nurde hite geb, gago dinen hime. Fudinde, kamde kamde mata belen epte ma tanaryen.

¹⁰ Be, Yesu Kristu kamyin gobe mata bulunninin pasi ire yenbe gogo kamyin. Goyenbe wawun unkurende po kamyin. Irde Al Kurun denem turnun yan ird ird nin hi.

¹¹ Niñgeb den wor gwahade po kamamin geb, mata bulun yufukde ma hite yen nurdeb Yesu Kristuya heñ Al Kurun denem turnun yan ird ird nin hinayin.

¹² Niñgeb tubul tike mata bulun belen ultin kame kamke bida hetek goyen tanarde ma hiyen. Gwaha ma tinayinbe mata bulun titek dufay goyen po gama irde hinayin geb.

¹³ Niñgeb tubul tike ultin kurhan kura gore mata bulun ten tende nin det ma hiyyen. Gwaha titnenbe kamtinde mat huwarde al gergen hitin han geb, ultin goyen Al Kurun belen mata huwakde nin det irde meten unyen yen Al Kurun unnayin.

¹⁴ Denbe Moseyen saba gote yufuk bana ma han. Al Kurun belen buninen dirde igin igin dirde hi bana gon han. Niñgeb mata bulun belen epte ma wor po doyan dirde hiyen.

Nenbe mata huwak ten ten mar

¹⁵ Ningeb daha titek? Nenbe Moseyen saba gote yufuk bana ma hite, irde Al Kurun beley buninjen dirde igin igin dirde hi bana gon hite geb, mata bulun ten hitek? Mon, epte ma gwaha titek!

¹⁶ Be, denbe al kurate meten mar dulnen hen yende yufukde hitek yen nurde gwaha tinayinbe al gote mere po gama irde meten dulnen ten ten mar henayin goyen go ma nurde han? Gwahade goyen po, den beley mata bulun gama irde hinayinbe gote yufuk bana hen Al Kurun dilinde al kamtin hinayin. Munan Al Kurunyen mere nurde gama irde hinayinbe gote yufukde hen al huwak henayin.

¹⁷⁻¹⁸ Be, bikken denbe mata bulun yufuk bana po hen gote meten mar hinhan. Goyenpoga gayenterbe Al Kurunyen mere saba dirke nurdeb bitinde mat fudinde wor po gama irde han. Irkeb yen beley mata bulun bana mat dad sin dirde mata huwak yufuk bana dirtin han. Ningeb goke Al Kurun igin wor po nurd unen hite.

¹⁹ Mere tihim gayen dindiken kenkela bebak titek mon geb, megen nin marte matare mat momon diren tihim. Be, bikken denbe ultin kurhan kura mata bulun Al Kurun dilinde tikin minyan goke unen hinhan. Irde mata kura Al Kurunyen mere ma nurde hanyen marte mata gama irke mata buluntinbe kurun wor po hen hinhan. Gwaha ten henbe mata bulun kurun gote yufuk bana po hinhan. Gega gayenterbe ultin goyen tumnan yumulgan ten mata huwak nin unnayin. Irdeb yende yufukde hen mata huwak

teŋ hinayiŋ. Irkeb Al Kurunŋ diliŋde wukken dinyeŋ.

²⁰ Be, bikkenŋ deŋ goyen mata buluŋ yufuk bana heŋ gote meteŋ mar hinhanyabe mata huwak gote yufuk bana ma heŋ mata huwak goke dufay ma heŋ hinhan.

²¹ Go mata teŋ hinhan goke gayenterbe me-myak nurde haŋ. Goyenpoga gwaha teŋ hinhanyabe igineŋ igiŋ dahade kura yawaramiŋ? Hubu wor po. Fudinde, mata teŋ hinhan gote muruŋgem funaŋdebe kamde kamde gogo po.

²² Gega gayenterbe Al Kurunŋ beleŋ mata buluŋ bana mat dumulgaŋ tike Al Kurunŋyen meteŋ mar hitiŋ haŋ. Niŋgeb gor mat Al Kurunŋ diliŋde wukkeŋ hetek mata go po teŋ teŋbe kame gote muruŋgembe Al Kurunŋya hugineŋ heŋ heŋ mata goyen tenayiŋ.

²³ Gwahade goyen po, mata buluŋ gote muruŋgembe hugineŋ kamde kamde gogo. Munanŋ Doyaŋ Al Kurunŋniniŋ Yesu Kristuya heŋ heŋ goke teŋ detmiŋ kura Al Kurunŋ beleŋ damum moŋ duliŋ duntiŋ gobe yeŋya hugineŋ heŋ heŋ gogo.

7

Neŋbe Moseyen saba yufuk bana ma hite

¹ Be, kadne yago, deŋbe Moseyen saba nurde haŋ geb merene gayen keŋkela bebak tinayiŋ yeŋ Moseyen saba go hende mere direŋ tihim. Be, albe diliŋ heŋya po Moseyen saba gote yufuk bana hinayiŋ gobe nurde haŋ gogo.

² Be, goke ire unyat matatare mat dikala direŋ. Be, Moseyen sabarebe bere uŋ yaŋbe uŋ goyen

dilin hikeyabe uñ yufuk bana po hiyen. Gega uñ goyen kamkeb Moseyen sabare bere gobe uñ goya po hiriryen yitiñ goyen yufuk bana ma hiyen.

³ Niñgeb uñ dilin hikeya al hoyañ hitte kuyen gobe bere gobe lenfot innayiñ. Gega uñ kamkeb Moseyen sabare unya po hiriryen yitiñ goyen yufuk bana ma hiyen geb, al hoyañ tiyyen goke lenfot ma innayiñ.

⁴ Niñgeb, kadne yago, denbe Yesu Kristuya hañ goke tenbe yenya kuruse hende kamamiñ yara hamiñ hañ geb, Moseyen saba gote yufuk bana ma hañ. Gwahade hitiñ yarabe kamtiñde mat huwaryiñ al Yesu gote yufuk bana hañ. Gwahade hañ gobe gote igineñ mata igiñ Al Kurun hitte forok yird uneñ hiniñ yenbe gogo gwahade hañ.

⁵ Hañkapyä megen niñ dufay po gama irde hinhetyabe Moseyen saba gore mata bulunbe gwahade yen kawan yirde hinhin. Gega mata goyen bebak ten yubul titnenbe mata bulun goyen ten ten niñ bininiñ harde hinhin. Irkeb dufay bulun goyen gama irde mata bulun ten hiteke gote murun gem bulun, Al Kurun diliñde hugineñ kamde kamde goyen tetek hitiriñ.

⁶ Goyenpoga gayenter nenbe Yesu Kristuya kamtiriñ geb, Moseyen saba gote yufuk bana ma hite. Bikkenbe saba gore fere dirtiñ hinheth gega, gor mat dade siña dirtiñ. Niñgeb Moseyen saba bikkek asande katiñ goyen hende huwardeya ma Al Kurun niñ meten ten hite. Holi Spirit belen mata gergen duntin goyen hende huwarde meten ten hite.

Moseyen sabaya mata bulunya

⁷ Be, gwahade ningeb Moseyen saba gobe bulun yetek? Epte moñ! Moseyen saba gore mata bulun nikala ma niryin manhan mata bulunbe dahade goyen bebak ma timewon. Ningeb Moseyen sabare, “Al hoyande det yeneñ gone yañ hemewon yeñ ma nurnayin,” gwaha ma yitiñ manhan mata gobe bulun yeñ ma nurmewon.

⁸ Goyenpoga Moseyen sabare, “Al hoyande det yeneñ gone yañ hemewon yeñ ma nurnayin,” yitiñ mere goyen nurdeb mata bulun go tubul titekdebe mata bulun gore bene fakamke al hoyande det yeneñ gone yañ hemewon yeñ nurd nurd dufay kurayen kurayen forok yeñ hanñen. Moseyen saba go miñmoñ manhan mata bulun wor kamtiñ yara tareñ miñmoñ hiwon.

⁹ Bikkeñ Moseyen saba ma nurde hinhemyabe nebe al igin mata bulunem moñ yeñ nurde hinhem. Gega saba gore gwaha gwaha teñ hinayin yitiñ goyen nurmirin gega, saba kurun goyen epte ma kenkela gama irtek yeñ bebak teñbe nebe mata bulun al yeñ nurmirin. Gobe mata bulun kamtiñ goyen sopte gereñ hitiñ yara.

¹⁰ Gor mat nebe Al Kurun dilinde kamtiñ hime yeñ nurmirin. Ningeb Moseyen saba gore ne gayen Al Kurunya hugiñen heñ heñ beñ kerd nuntiñ yarabe hugiñen kamde kamde beñ kerd nuntiñ yeñ nurmirin.

¹¹ Fudinde, mata bulun beñ usi nird nird beñ niñ nankenenbe Moseyen saba goyen hende harde usi nirke mata bulun teñ hinhem. Ningeb Moseyen sabare, “Mata bulun gote mu-

runjembe kamde kamde gogo,” yitiŋ go gwahade po, Al Kurun diliŋde kamtiŋ hinhem.

¹² Niŋgeb Moseyen sababe bulun? Moŋ! Moseyen saba go mun pobe Al Kurun diliŋde wukkek, irde go bana mere wor wukkek, huwak, irde igiŋ wor po.

¹³ Niŋgeb det igiŋ goyen gore ne hitte kamde kamde mata forok irde nunyiŋ? Moŋ, hubu wor po! Mata bulun po ga kamde kamde mata forok ird nunyiŋ. Moseyen saba gobe igiŋ gega, mata bulun gore po ga saba go hende kamde kamde mata forok ird nunyiŋ. Gobe mata bulun go fudinde kawan forok yeŋ yeŋ ge Al Kurun belen tubul tike gogo kamde kamde mata forok ird nunyiŋ. Gogab Moseyen saba bana mere yitiŋde gor matbe mata bulun gobe fudinde bulun wor po yeŋ kawan henayiŋ.

¹⁴ Be, Moseyen sababe Al Kurun hitte mat watiŋ yeŋ nurde hite. Gega nebe megen niŋ al po, mata bulun belen damu nirtiŋ yara yeŋ yufuk bana po himyen.

¹⁵ Irde mata igiŋ po tiye yeŋ nurde himyen gega, gwaha ma teŋ himyen. Gwaha titŋenbe mata gwahade titek ma nirde hiyen goyen po teŋ himyen. Niŋgeb nebe mata gwaha teŋ hime yeŋ ma nurde himyen, kukuwamŋen wor po.

¹⁶⁻¹⁷ Goyenbe mata kura titek ma nirde hi gega, mata goyen tiyenbe mata go teŋ teŋ gote miŋbe ne moŋ. Mata bulun ne bana hi gore teŋ hi. Niŋgeb Moseyen saba yiŋgenbe igiŋ goyen fudinde yeŋ nurde hime.

¹⁸ Ga dinen hime gabe bene bana dufay igiŋ kura ma hi yeŋ nurde hime geb, gago yeŋ hime.

Fudinde, ne megen niŋ al banabe dufay igiŋ kura ma hi. Niŋgeb gogo mata igiŋ titek dufay miŋyaŋ gega, goyen gama irde mata teŋ teŋ gobe metenŋ wor po nirde hiyen.

¹⁹ Mata igiŋ tiye yeŋ nurde himyen goyen titek yarabe mata buluŋ po teŋ himyen. Mata buluŋ titek ma nirde hiyen gega, goyen po teŋ himyen.

²⁰ Niŋgeb ne mata gwaha ma titek nurde himyen mata goyen teŋ himyen gobe niŋeŋ ma teŋ himyen. Mata buluŋ teŋ teŋ dufay ne bana hi gore teŋ hiyen.

²¹ Niŋgeb go mata gobe niŋeŋ wor po keneŋ bebak teŋ himyen. Mata gobe gahade: ne beleŋ mata igiŋ kura tiye yeŋ nurenŋ goya goyenbe mata buluŋ teŋ teŋ dufay wor ne bana hi.

²² Gobe gahade: Al Kurunŋ beleŋ bene bana dufay igiŋ forok ird nuntiŋ geb, Al Kurunŋyen saba goke amanŋen nurde himyen.

²³ Goyenpoga bene bana kurhanbe saba hoyanŋ buluŋ kura hi geb, gore mata buluŋ yufukde nerde fere nire yeŋbe Al Kurunŋyen saba bener igiŋ nurd unenŋ himyen goya arde hike nurde himyen.

²⁴ Goke teŋbe neb gwaha kura teŋ igiŋ hewenŋ yeŋ ma nurde hime geb niŋeŋ ge buniŋenŋ wor po nurde hime. Niŋgeb ganuŋ al beleŋ gab mata buluŋ bana po heŋ kattek heŋ hime al gayen nad siŋa nirke igiŋ hewenŋ? Hubu wor po!

²⁵ Gega Al Kurunŋ beleŋ Doyaŋ Al Kurunŋniniŋ Yesu Kristu inke ne gayen mata buluŋ bana mat nad siŋa niryiŋ geb, goke amanŋenŋ nurd unenŋ hime.

Niᅅgeb nebe gahade hime: nebe dufay gergen nuntiᅅdebe Al Kurunyen saba gama irde hime. Gega megen niᅅ dufay buluᅅ beleᅅ mananᅅ nuluᅅ teᅅ hi.

8

Holi Spiritya heᅅ heᅅ mata

¹ Niᅅgeb al kura Yesu Kristuya haᅅ marbe Al Kurunᅅ beleᅅ mata buluᅅmiᅅ gote muruᅅgem ma yunyeᅅ.

² Gobe Yesu Kristuya hireke al gergen nirtinᅅ Holi Spirit gote saᅅinᅅ gore mata buluᅅya kamde kamdeyat tareᅅ bana mat nad siᅅa niryiᅅ geb, gago diᅅeᅅ hime.

³ Neᅅbe megen niᅅ dufay buluᅅ goyen miᅅyaᅅ mar geb, Moseyen sabare yitiᅅ goyen epte ma keᅅkela gama irtek hite. Niᅅgeb Moseyen saba gore epte ma igiᅅ dirtek hinhin. Irkeb Al Kurunᅅ beleᅅ mata buluᅅniniᅅ halde duneᅅ yeᅅbe Urmiᅅ teᅅ kerke kateᅅbe neᅅ gahade ga po heᅅ forok yiriᅅ. Irde mata buluᅅniniᅅ ge teᅅ yiᅅgeᅅ Al Kurunᅅ galak iryiᅅ. Irkeb Al Kurunᅅ beleᅅ megen niᅅ marte mata buluᅅ goyen Yesu Kristu uliᅅde irde alyen mata buluᅅ gote muruᅅgem unyiᅅ.

⁴ Al Kurunᅅ beleᅅ meteᅅ go tiyyiᅅ gobe Moseyen sabare mata huwak niᅅ yitiᅅ goyen neᅅ hitte keᅅkela wor po forok yeᅅ hiyeᅅ yeᅅbe meteᅅ gogo tiyyiᅅ. Niᅅgeb neᅅbe megen niᅅ dufay buluᅅ go ma gama irdeb Holi Spirityen dufay po gama irde hityen.

⁵ Be, al kura megen niᅅ dufay gama irde haᅅ marbe uliᅅde amanᅅ hetek dufay goyen po gama

irde hitek nurde han̄yen. Goyenpoga al kura Holi Spirityen dufay gama irde han̄ marbe Holi Spirit belen̄ igin̄ nurde hitek mata goyen po ten̄ hitek nurde han̄yen.

⁶ Fudinde, al kura megen nin̄ dufay gama irde hiyen al gobe Al Kurun̄ dilinḡde kamtin̄ hiyen. Gega Holi Spirit belen̄ dufaymin̄ doyan̄ irde hiyen al gobe Al Kurun̄ dilinḡde al gergen̄ hej̄ bin̄ kamke igin̄ hiyen.

⁷ Gega megen nin̄ dufay po gama irde hiyen al gobe Al Kurun̄ asogo irde hiyen. Go al gobe Al Kurun̄yen saba gama ma irde hiyen. Irde epte ma gama irtek hiyen̄.

⁸ Al gwahade megen nin̄ dufay bulun̄ belen̄ doyan̄ yirtin̄de po han̄ marbe epte ma wor po Al Kurun̄ belen̄ aman̄en̄ nurtek mata goyen ten̄ hinayin̄.

⁹ Gega den̄ banabe Holi Spirit hi geb, megen nin̄ dufay belen̄ ma doyan̄ dirde hi. Holi Spirit belen̄ doyan̄ dirde hi. Gega al kura Holi Spirit min̄mon̄ kenem al gobe Yesu Kristuyen al mon̄.

¹⁰ Gega den̄ goyen Yesu Kristuya han̄ kenem mata bulun̄ nin̄ ten̄ ultin̄be bida henayin̄ gega, Al Kurun̄ dilinḡde al huwak henayin̄ geb tontin̄be yen̄ya hinayin̄.

¹¹ Irde Al Kurun̄ Yesu Kristu kamtin̄de mat isan̄ hirin̄ al gote Holi Spirit belen̄ den̄ bana hi kenem Yesu kamtin̄de mat isan̄ hirin̄ al Al Kurun̄ belen̄ Holi Spirit dunyen̄. Irke ultin̄ bida henayin̄ goyen kame sopte gergen̄ yirke hugin̄en̄ hinayin̄.

¹² Nin̄geb, kadne yago, nen̄be yen̄ belen̄ gwaha diryin̄ goke wol hetek mata kura hi. Mata gobe

megen niŋ dufay buluŋ ulniniŋde aman hetek goyen ma po gama irde hitek go goyen.

¹³ Gobe megen niŋ dufay gama irde hinayinbe Al Kurun dilin de kamtin hinayin gega, ultin de mata buluŋ ten ten dufay goyen Holi Spirityen tarende yubul tinayinbe Al Kurunya huginen hinayin geb, gago dinen hime.

¹⁴ Be, Al Kurun dirnen wen fudinde wor pobe Al Kurunyen Holi Spirit belen doyan yirde yukun hi mar gogo.

¹⁵ Al Kurun belen Holi Spirit dunyin gobe bikken kamde kamde niŋ kafura hen hinhan dufay bana gon sopte mulgan hen hen ge ma dunyin. Gwahade yarabe dirnen wen hen hen ge Holi Spirit dunyin. Niŋgeb yende saninde Al Kurun goyen eke merere, “Ado, Ado” inen hityen.

¹⁶ Fudinde, Holi Spirit nen bana hi goreb bininiŋde wor po, “Denbe Al Kurunyen dirnen wen,” dinen hiyen.

¹⁷ Irde nenbe Al Kurunyen dirnen wen kenem kame yende det gote min mar hiniŋ. Goyenbe kanduk Yesu Kristu belen yinyin gwahade nen manan goyen bana hitek. Gogab Al Kurunyen tareŋ turun yan wor po yen belen Yesu Kristu untin goyen nen manan tetek. Irkeb yenya nenya tunnan Al Kurunyen det gote min mar hiniŋ.

Kame Yesu Kristu taremin turun yan kentek

¹⁸ Be, Al Kurunyen sanin turun yan wor po kame nen hitte forok yiyyen gobe igin wor po geb, gayenter kanduk yenen hite gabe det dirnen yen nurde hite.

19 Fudinde, tareñmiñ turnuñ yañ gobe fudinde wor po forok yiyen geb, megenya nanñiñya, irde det kurun gayen gare dagehen ga Al Kurun belen dirneñ weñ kawan forok yirke yentek yeñ nurdeb goke po doyañ heñ hañ.

20 Megenya nanñiñya, irde det kurun gayenbe Al Kurun belen dufaymiñ kiryiñ goyen gama ird ird niñ soñ hamiñ gobe momñonde ma soñ hamiñ. Al belen mata bulun tikeb det kurun gayen wor Al Kurunyen dufay gama ird ird niñ soñ hamiñ. Gwaha tiyamiñ gobe Al Kurun belen gwahade po henayiñ yeñ dufay kiryiñ geb, gogo tiyamiñ. Goyenpoga sopte igiñ hetek nalu niñ doyañ heñ hañyen.

21 Goyen natureb det kurun gayenbe bulun hitiñde mat Al Kurun belen sopte yade gergeñ wor po yiryen. Irde Al Kurun dirneñ weñ gobe mata bulun yufukde mat yad siña yirke Al Kurunyen tareñmiñ turnuñ yañ goyen bana hinayiñ gwahade goyen po, det kurun gayen wor gwahade po heñ hinayiñ.

22 Be, det kurun Al Kurun belen yiryiñ gabe bulun hitiñde mat wañ wañ gayenter wor bulun hitiñ goyen bana po heñ uliñ misiñ nurde hañ gobe nurde hite. Yeñ uliñ misiñ nurde hañyen gobe bere kura diriñ kawañ kere yeñ uliñ misiñ katen hiyen go gwahade goyen.

23 Goyenbe yeñ po moñ. Neñ manañ bininiñ bana misiñ nurde hityen. Neñbe Al Kurun belen duneñ yeñ biña tiyyiñ gote igineñ meheñde wor po Holi Spirit goyen titiriñ mar. Goyenpoga neñ gayen wor kanduk bana heñ misiñ nurde hityen.

Irde misin nurde henyabe Al Kurun belen nen gayen dirnen wen wor po dirde ulninin manan bulun hitinde mat gergen wor po yiryen yen goke po doyan hen hityen.

²⁴ Nenbe kame Al Kurun belen gwaha diryen yen nurde doyan hen hinhet geb, Al Kurun belen dumulgan tiyyin. Gega det kura tetek yen goke doyan hen hityen goyen bikken titin kenem goke ma doyan hen hitek. Ganun al belen det kura bikken titin goyen temewon yen nurde goke doyan hen hiyen? Hubu wor po.

²⁵ Gega nenbe det kura yawartek goyen go ma yawartin geb, goke doyan hen hityen gega, goke pinen ma hen hityen.

²⁶ Be, nen gayen kanduk bana hite gega, Al Kurunyen sanin turun yan wor po goyen goke doyan hen hen goreb taren dirde hiyen gwahade goyen po, Holi Spirit wor nen dufayninin taren mon gayen faran durde hiyen. Nenbe goke kura Al Kurun gusunan irtek yen ma nurde hityen gega, Holi Spirit yingen po nende gasun ten Al Kurun esen mere irde hiyen. Yenbe gwaha ten henyabe nen ge buninen wor po nurdeb binde misin kurun katen henya Al Kurun mere irde hiyen. Misin katen hiyen gobe epte ma gwahade yen nurde tagaltek.

²⁷ Irde Holi Spiritbe Al Kurunyen alya bereya faran yuren yen Al Kurunyen dufaymin po gama irde gusunan irde hiyen. Ningeb nen alyen dufay kenkela kenen hiyen al Al Kurunbe Holi Spirit belen dufay dahade kerde gusunan irde hi goyen kenkela nurde hiyen.

28 Irdeb al kura Al Kurun belen dufaymin kerde hoy yirkeb yen ge amanen nurde unen han mar hitte mata forok yen han kurun gobe Al Kurun belen yad bul yirdeb mel goyen igin hen hen mat yirde hi gobe nurde hite.

29 Gobe Al Kurun belen alya bereyamin hetek mar bikken nurd yunenbe Urmin yara henayin yen basina yiryn geb, gogo dirde hi. Gogab Urmin gobe Al Kurunyen dirnen wen hitin mar gote urmin matalin hiyyen.

30 Al Kurunbe alya bereyamin bikken basina yirtin goyen hoy yiryn. Irde hoy yirke watin mar goyen al huwak yiryn. Irde al huwak yirtin mar goyen denem turun yan yiryn.

Al Kurunyen aman dufaybe kurun wor po

31 Ningeb Al Kurun belen igin gwaha diryn goke daha yetek? Irde Al Kurun belen nen faran durde hi kenem ganun al belen asogo dirnayin? Hubu wor po!

32 Al Kurunbe Urmin yende wor po goyen urne yen be ma hirin. Gwaha titnenbe nen megen nin mar kurun gake nurde megen gar ten kerke katen kamyin. Ningeb Yesu Kristu basina irtek wor gogo dunyn geb, det hoyan dunen dunen nin kama hiyyen yen nurde han? Mon, kama ma hen kurun po dunen hiyen.

33 Al Kurun yingen po basina yirtin mar goyen al huwak yiryn. Ningeb ganun al belen Al Kurun belen basina yirtin mar goyen merem yan yirnayin? Hubu wor po!

34 Be, Yesu Kristube nen ge ten kamyin. Irde kamyinde mat huwaryin. Huwardeb Doyan Al

Kurun henbe Al Kurun hanij yase belej mat keperde neŋ ge teŋ Al Kurun gusunaj irde hi. Niŋgeb ganuj al belej merem yaŋ dirde gote murun gem buluj dunyen? Hubu wor po!

³⁵ Irde ganuj al belej Yesu Kristu belej bubulkunje wor po yeŋ nurd dunen hi bana gon mat dad siŋa diryen? Hubu wor po! Kanduk kurayen kurayen yenen hitek, ulniniŋ misiŋ katen hitek, al hoyaj belej buluj buluj dirde hinayin, biŋge kamde hitek, ulniniŋ umja miŋmon hitek, det buluj kura forok yeŋ buluj dirtek hinayin, irde fuleja mata forok yeŋ hinayin kurun gore Yesu Kristu belej neŋ gayen bubulkunje wor po yeŋ nurd dunen hi goyen igin walnayin? Epte mon!

³⁶ Niŋgeb yeŋ ge kanduk gwahade yentek goke Al Kurunyen asan de gahade katin hi:

“Ge goke teŋ neŋbe hugiŋen al belej mudunke kamtek beljen de po kun hityen.

Irde neŋbe sipsip gasa yirke kamde hanjen go gwahade goyen hityen,” yitiŋ. *Tikiŋ 44:22*

³⁷ Be, neŋbe yitiŋ gwahade po kanduk bana hityen gega, neŋ gayen bubulkunje wor po yeŋ nurd dunen hi al Yesu Kristu faran durke kanduk karkuwan gwahade goyen fole wor po yirde hityen.

³⁸ Fudinde, Al Kurun belej neŋ ge amanen wor po nurd dunen hi. Niŋgeb dufaynerbe fudinde wor po gahade nurde hime: kamtek ma hitek yara kura, Al Kurunyen miyon wet ma unjura, han ka ma kame, irde det sanin miyan yara kura,

³⁹ irde det nan kin de nin wet ma det megen bin de

niņ wet ma det megen gar niņ kurayen kurayen gore Doyaņ Al Kurunniņ Yesu Kristu niņ teņ Al Kuruņ belen neņ bubulkuņne wor po yeņ nurd duneņ hiyen goyen epte ma wor po walhayiņ.

9

Israel mar

¹ Be, nebe Yesu Kristuya har geb, mere dinen hime gabe fudinde dinen hime. Usi ma wor po teņ hime. Bener fudinde yeņ nurdeya dinen hime. Holi Spirit wor merene gayen fudinde yeņ nurde hi.

² Be, bene biņdebe Israel mar niņ hugiņen kan-dukneņ nurdeb buniņen wor po nurde himyen.

³ Niņgeb nigen miņde niņ alya bereya goyen faran yurmewoņ wor po yeņ nurde himyen. Goke teņbe belen kura hi kenem mel gore nere gasuņ teņ Yesu Kristu nurd unkeb nebe yende gasuņ teņbe Yesu Kristu tubul teņ gisaw kuņbe Al Kurunyen bearar bana heņ yeņ nurde himyen.

⁴ Be, nigen miņde niņ albe Israel mar gogo. Mel gobe Al Kuruņ belen dirneņ weņ yirke tareņmiņ turuņ yaņ goyen bana hinhan. Al Kuruņbe mel goya biņa kura tareņ po teņbe Moseyen saba manan yuniņ. Irde Al Kurunyen ya balem bana doloņ ird ird mata yikala yiryiņ. Irde mel goyen gwaha gwaha yireņ yeņ biņa hoyan hoyan manan teņ hinhin.

⁵ Mel gobe Yuda marte hakwamiņ wor po miņde mat watiņ. Yesu Kristu wor yeņ goyen miņde mat watiņ. Yesu Kristube Al Kuruņ, det kuruņ gayen doyaņ yirde hi al. Niņgeb yeņ po ga hugiņen turuņ irde hitek hi. Fudinde wor po.

⁶ Be, Israel mar gobe tumṇaṇ Yesuyen alya bereya Israel mar fudinde wor po hewoṇ gega, gwahade ma haṇ. Niṅgeb Al Kurunṇ beleṇ mel goyen hitte biṇa tiyyiṇ gobe sorkok hiriṇ yeṇ nurtek? Moṇ, sorkok ma hiriṇ. Israel marbe Al Kurunṇ beleṇ basiṇa yiryiṇ gega, tumṇaṇ ma basiṇa yiryiṇ. Al kura po basiṇa yiryiṇ geb, gogo al tumṇaṇ ma Yesuyen alya bereya hitiṇ.

⁷ Mel gobe tumṇaṇ Abrahamyen miṇde mat watiṇ gega, go kurunṇ gobe tumṇaṇ Abrahamyen diriṇeṇ weṇ ma hamiṇ. Gokeb bikkeṇ Al Kurunṇ beleṇ, “Aisakyeṇ miṇde mat forok yeṇ hinayiṇ go muṇ po gab diriṇeṇ weṇ henayiṇ,” inyiṇ gogo.

⁸ Niṅgeb mere gote miṇbe Abrahamyen dari po gama irde diriṇ forok yitiṇ gobe Al Kurunṇyeṇ diriṇeṇ weṇ moṇ. Munaṇ Al Kurunṇ beleṇ Abraham hitte biṇa tiyyiṇ goyen gama irde diriṇ forok yitiṇ go po ga Abrahamyen diriṇeṇ weṇ wor po.

⁹ Be, Al Kurunṇ beleṇ Abraham hitte biṇa tiyyiṇ mere gobe gahade: “Dama kura imoyenter nalu kirtiṇ hi goyenter gab sopte mulgaṇ heṇ ge hitte wayeṇ. Goyenterbe berge Sarabe diriṇ al diriṇ kura kawaṇ kiryeṇ,” yitiṇ hi.

¹⁰ Goyenbe go muṇ po moṇ. Aisak berem Rebeka urmiṇ waraṇ gote naniṇbe unṅkureṇ Aisak po. Aisak gobe neṇ Israel mar kurunṇ gate asininiṇ.

¹¹⁻¹² Goyenbe Aisak urmiṇ waraṇ kalpaṇ goyen forok yeṇ miṇmoṇdebe Al Kurunṇ beleṇ Rebeka goyen, “Itiṇbe kuliṇde meteṇ al hiyyeṇ,” inyiṇ. Go mere gobe diriṇ irawa go kawaṇ heṇ mata igiṇ daw ma buluṇ daw goyen tike yeneṇya ma gwaha

yiriŋ. Al Kurun beleş bikkeŋ dufaymiŋ kiryiŋ go po gama irde kuliŋ go basiŋa iryiŋ. Niŋgeb Al Kurun beleş gwaha iryiŋ gobe yeŋbe alyen mata keneŋbe basiŋa ma yirde hiyen, dufaymiŋde igiŋ nurd yunenbe basiŋa yirde hiyen goyen dikala dirde hi.

¹³ Niŋgeb mata goke Al Kurunyen asaŋde gahade katiŋ hi:

“Nebe Yekop goyen bubulkuŋne wor po yeŋ nurde unen hime.

Munaŋ Isobe gwahade ma nurd unen hime,”
yitiŋ. *Malakai 1:2-3*

¹⁴ Niŋgeb daha yetek? Al Kurun beleş go tiyyiŋ goke teŋ yeŋbe mata huwak ma tiyyiŋ yetek? Epte moŋ!

¹⁵ Al Kurun beleş matamiŋ goke teŋ Mose gaha inyiŋ:

“Dufayner al kura bunineŋ ire yeŋbe gwaha po ireŋ.

Irde al kura igiŋ ire yeŋbe gwaha po ireŋ,” yitiŋ hi. *Yumulgaŋ 33:19*

¹⁶ Niŋgeb Al Kurun yiŋgeŋ po gab ganuŋ al kura bunineŋ ire yeŋbe gwaha iryeŋ. Munaŋ al beleş dufaymiŋde Al Kurun beleş basiŋa nirwoŋ yeŋ nuryeŋ, irde mata igiŋ teŋ himeke gab gwaha niryen yeŋ kurut yeŋ hiyeŋ gore epte ma Al Kurun beleş bunineŋ iryeŋ.

¹⁷ Al Kurunbe matamiŋ gwahade geb, Isip nana doyaŋ al kurun Fero gobe meremiŋ pel ird ird niŋ basiŋa irdeb gaha inyiŋ: “Ge hittebe saŋiŋne turuŋ yaŋ wor po goyen kawan forok irmeke al megen hike kwa kurun gore nurdeb ne niŋ

nurnayin yen dufay kerdeb gogo ge gayen doyan al kurun girmirin,” inyin.

¹⁸ Niᅅgeb Al Kurunbe dufayminde al kura bunineᅅ ire yenbe bunineᅅ iryen. Irde al kura meremin pel ird ird niᅅ tonan taren ire yenbe gwahade po iryen.

¹⁹ Be, Al Kurunbe gwahade hi goke al kura dufaymin soᅅ hekeb, “Al Kurun beᅅen neᅅ gayen mata gwaha gwaha ten hinayin yen yingende dufay po gama irde basiᅅa dirtin kenem daha mat dufaymin waltek? Epte moᅅ! Niᅅgeb mata bulun ten hityen gobe nindiken ma forok yirde hityen gega, daniᅅ Al Kurun beᅅen mata buluninin ge merem yan dirde hiyen? Gobe igin moᅅ,” yen hanyen.

²⁰ Goyenpoga denbe al dahade geb, gwaha yen han? Neᅅ al megen niᅅ gare Al Kurun beᅅen dufaymin gama irde daha kura diryen goyen goke epte ma, “Daniᅅ gahade diran?” intek. Mata gobe det kura al kura beᅅen iryen gore tigiri tenbe iryen al goyen, “Daniᅅ gahade niran?” ma inyen go gwahade goyen.

²¹ Be, kuwe yase yird yird albe woᅅa ten kuwe yase gwahade yiren yen nurdeb dufaymin go po gama irde yiryen. Kuwe yase kura meten kurun unen unenyen ireᅅ yenbe gwahade po iryen. Munan kuwe yase kura meten mali untek goyen ire yenbe igin ala iryen.

²² Niᅅgeb Al Kurun wor mata gwahade goyen po ten hiyen. Yenbe mata bulun mar goyen beararin kawan po kennayin, irde tarenmin wor keneᅅ bebak tinayin yen nurde gwamun

yure yenbe igin gwamuñ yuryeñ. Gega yenbe bemel ma gwaha yirde ulyañde doyañ heñ heñ niñ piñeñ ma irde hiyen. Gobe dufaymiñ po gama irde gwaha teñ hi geb, al kura beleneñ goke epte ma innayin.

²³ Munañ al kura Al Kurunyen bunineñ dufay bana po hañ mar goyen kurabe neñ gago. Neñbe Al Kurunyen sañin turñuñ yañ wor po goyen kennayin yeñ bikkenñ gitik diriyin geb, tareñmiñ turñuñ yañ goyen neñ gayen dikala direñ yeñ nurde hinhin. Goyenbe al kura beleneñ epte ma, “Daneñ yeñ po gwaha yirde hi?” innayin.

²⁴ Neñbe Al Kurun beleneñ hoy diriyin gega, al miñ unñkureñde mat po ma hoy diriyin. Neñ kurabe Yuda mar, kurabe al miñ hoyañ Yuda mar moñ gayen hoy diriyin.

²⁵ Al Kurun beleneñ gwaha diriyin goke mere basañ almiñ kura Hosea beleneñ Al Kurunyen mere gahade kayyin:

“Ne beleneñ alya bereya nere ma hinhan goyen yadeb ‘Nere alya bereya,’ yineñ.

Irde al miñ hoyañ goyen bubulkuñne wor po yeñ ma nurd yuneñ hinhem goyen yadebe ‘Diriñne yago, bubulkuñne wor po’ yineñ.”
Hosea 2:23

²⁶ Irdeb,

“Naña kurar kura Al Kurun beleneñ, ‘Denbe nere alya bereya moñ,’ yinyinde gor po kamebe,

‘Mel gabe Al Kurun gwahader hitin gote alya bereya’ yinyeñ,” yitin hi. *Hosea 1:10*

27 Be, Al Kurunyen mere basan al Aisaia belen Israel mar nin gahade tarej po tagalyin:

“Israel marbe budam wor po, makejde nin saw-sawa yara.

Goyenpoga Al Kurun belen al tumnan ma yawaryen, al tapum mun po yawaryen.

28 Gobe Doyan Al Kurun belen alya bereya megen han kurun goyen hitte mere tiyyin gote iginej aran po forok iryen geb gogo,” yitin hi. *Aisaia 10:22-23*

29 Mere gobe Aisaia belen asanmin bana gon mehen belenbe gahade kayyin goya tunande. Mereminbe gahade:

“Doyan Al Kurun sanjmin kurun wor po belen dirinnin kura yubul ma ten tumnan gwamun yuryin manhan

nenbe Sodomya Gomoraya taunde nin mar yara hitewon,” yitin hi. *Aisaia 1:9*

Israel marbe Yesu nin dufaymin tarej ma irde han

30 Ningeb goke ten nenbe gaha po yetek: al min hoyan Yuda mar mon, mata huwak ten ten nin dufay ma hen han mar belen Yesu Kristu nin dufaymin tarej irdeb Al Kurun dilinde al huwak hitin han.

31 Munan Yuda marbe Moseyen sabare mata huwak nin yitin goyen gama ird ird nin kurut yen hanyen gega, Al Kurun dilinde al huwak ma hitin han.

32 Goyenbe Israel mar gobe dahade nin al huwak ma hitin han? Mel gobe Yesu nin dufaymin sanj irtinjenbe mata igin ten gab al

huwak hetek yen nurde hanjen geb, gogo son haminj. Gobe al kura hora go ma kenenbe kukuhuk urde taktenj mayyenj go gwahade yara tiyaminj.

³³ Goke tenbe Al Kurunjen asanjde gahade katin hi:

“Ga kennan.

Ne belen Jerusalem taunde hora kura kerenj.

Irkeb albe kukuhuk yurde yaktenj gasa yiryenj.

Irde hora kurunj kura kerenj.

Irkeb albe gore yirkeb yaktenj gasa yirke katenj bulun po henayinj.

Gega al kura yen ge dufayminj tarenj irnayinj marbe epte ma memya hetek hinayinj,”
yitinj hi. *Aisaia 8:14; 28:16*

10

¹ Be, kadne yago, ne bener gabe Israel mar goyen Al Kurun belen yumulganj tiwonj yen nurdeb Al Kurun gusunanj irde himyen.

² Mel gobe Al Kurun nin metenj titek wor po nurde hanjen gobe fudinde yen iginj tagalenj. Gega go ten hanjen gobe Al Kurunbe gwahade yen kenkela ma bebak tenya gwaha ten hanjen.

³ Mel gobe Al Kurun dilinde al huwak henj hen belen gobe Al Kurun hitte mat watinj goyen ma nurdeb yingenjde sanjnde al huwak hiniyen yen kurut yen hanjen. Ningeb al huwak henj hen belen fudinde goyen gama ma irde hanjen.

⁴ Goyenbe al kura Yesu Kristu nin dufayminj tarenj iryenbe Al Kurun belen al huwak inyenj.

Niṅgeb goke teṅbe Yesu Kristu belen Moseyen saba goyen pasi kiryiṅ.

⁵ Be, Mosebe sabamiṅ gama irde al huwak heṅ heṅ goke gahade kayyiṅ: “Al kura sabamiṅ gama irde hiyeṅ albe saba gore po tareṅ irke hiyeṅ,” yitiṅ hi.

⁶ Gega Yesu niṅ dufaymiṅ saṅiṅ irde Al Kurunṅ diliṅde huwak hitiṅ marbe gaha yeṅ hinayiṅ: “(Yesu Kristube bikkeṅ megen gar katiṅ gega, go ma nurdeb Yesu teṅ megen gar kateṅ kateṅ niṅ yeṅ heṅbe) dindikeṅ uliṅ, ‘Ganuṅ belen Al Kurunṅyen gasuṅde hurkuyeṅ?’ ma yenayiṅ.

⁷ Irde (Yesu Kristube bikkeṅ kamiṅde mat huwariṅ gega, go ma nurdeb al kamtiṅ gasuṅde mat Yesu go teṅ waṅ waṅ ge yeṅ heṅbe) dindikeṅ uliṅ, ‘Ganuṅ al belen al kamtiṅde gasuṅde kurkuyeṅ?’ ma yenayiṅ,” yitiṅ hi.

⁸ Mere gote miṅbe gahade: “Al Kurunṅ diliṅde huwak heṅ heṅ mere gobe gisaw inor ma hi. Ketaltiṅde hi, mohonṅtiṅde hi, irde bitiṅ bana hi.” Mere gobe dufaytiṅ tareṅ ird ird mere, neṅ belen tagalde tukuṅ hityen gogo.

⁹ Niṅgeb mere go yitiṅ gwahade po, al kura biṅde mat wor po Al Kurunṅ belen Yesu go kamtiṅde mat isaṅ hiriṅ goyen fudiṅde yeṅ dufaymiṅ tareṅ iryeṅ, irde yiṅgeṅ mohonṅde wor po, “Yesube Doyaṅ Al Kurunṅ,” yiyyeṅbe Al Kurunṅ belen al go tumulgaṅ tiyyeṅ.

¹⁰ Fudiṅde, al kura Yesu niṅ biṅde mat dufaymiṅ saṅiṅ irke Al Kurunṅ belen al huwak inyeṅ. Irde dufaymiṅ tareṅ irtiṅ goyen mohonṅde mat kawan po tagalkeb Al Kurunṅ belen tumulgaṅ

tiyyen.

¹¹ Goke tenbe Al Kurunyen asanbebe, “Al kura yen ge dufaymin taren irtin marbe epte ma yen ge memya hetek hinayin,” yitin hi.

¹²⁻¹³ Ningeb yitin gwahade po, Yuda mar ma al min hoyan Yuda mar mon goyen tumnan ala Al Kurun belen gwaha yiryen. “Al kura gore Doyan Al Kurun belen faran duri yen hoy irnayin marbe tumnan yumulgan tiyyen,” yirin geb, yenbe al kura faran nin hoy irnayin mar tumnan gote Doyan Al Kurun hiyyen. Irde go mar goyen guram yirde sanin wor po yirde hiyen.

¹⁴ Goyenbe al kura Doyan Al Kurun nin dufaymin taren ma iryenbe daha mat hoy iryen? Irde yende mere momonmin kura mun ma nurtin kenem daha mat yen ge dufaymin taren iryen? Irde yen ge al kura belen ma tagalkebe daha mat nuryen? Epte mon.

¹⁵ Irde mere goyen tagal tagal nin hulyan ma yirnayinbe ganun mar belen daha mat mere goyen tagalnayin? Hubu wor po. Goke tenbe gahade Al Kurunyen asanbe katin hi: “Al kura kun Al Kurunyen mere igin goyen tagalde hiyen al gobe Al Kurun belen igin wor po kinyen,” yitin.

¹⁶ Goyenpoga Yuda marbe tumnan ma Yesu nin yitin mere igin goyen nurde dufaymin sanin iramin. Kura po ga gwaha tiyamin. Ningeb goke tenbe Aisaia belen, “Doyan Al Kurun, mere tagalde hiteke ganun al belen fudinde yen nurde dufaymin taren irnayin? Hubu wor po,” yirin.

¹⁷ Ningeb al kura Yesu Kristu nin dufaymin taren ire yenbe meremin wa nurde gab dufaymin

saniñ iryen. Goyenbe mere igiñ goyen daha mat nuryen? Gobe al kura belen Yesu Kristuyen mere goyen tagalke gab nuryen.

¹⁸ Goyenbe gusunañ kura dire? Israel marbe mere igiñ goyen ma nuramiñ? Moñ, nuramiñ. Niñgeb goke tenbe Al Kurunyen asañde gahade katiñ hi:

“Sabamiñbe megen kurun gare nurde tukutiñ ala tiyyiñ.

Irde meremiñbe naña kurun gayen kuñ pasi hiriñ,” yitiñ. *Tikiñ 19:4*

¹⁹ Be, sopte gusunañ kura dire? Israel mar gobe mere gote miñ bebak ma tiyamiñ? Moñ, bebak tiyamiñ. Gega mere goyen harhok unamiñ. Niñgeb goke Al Kurun belen yiriñ goyen bikken Mose belen gahade kayyiñ:

“Nebe alya bereya nere yitiñ moñ goyen yawaren.

Irkeb go yenenbe bitiñde igiñ ma nurnayiñ.

Irde merene bebak ma titiñ mar goyen yawaren.

Irkeb goke bitiñ ar yiyyen,” yitiñ hi. *Saba 32:21*

²⁰ Irde Aisaia belen Al Kurunyen mere tagal tagal niñ kafura ma heñbe Al Kurunyen mere goyen kawan po gaha yiriñ:

“Nebe al kura ne niñ ma nankenen hitiñ mar belen nenamiñ.

Irde ne niñ gususunañ ma heñ hitiñ mar hitte nigen kawan hemeke nenamiñ,” yitiñ hi.

Aisaia 65:1

²¹ Goyenpoga Israel mar niñ tenbe gaha yiriñ:

“Wampot mat wañ wañ wawuñ hihi gayen
 merene gama ma irde tonañ sañiñ wor po
 heñ hañ mar goyen
 ne hitte wawoñ yeñ hanne yak irtiñde hime,”
 yitiñ hi. *Aisaia 65:2*

11

Al Kurun beñ Israel mar bunijeñ yiriñ

¹ Be, Israel marte matabe gwahade geb, Al Kurun beñ alya bereyamiñ goyen pel yiriñ? Moñ, gwaha ma yiriñ! Nigeñ wor Israel mar al, irde Abrahamyen asem, irde Benyamiñyen* miñde niñ al.

² Fudinde, Al Kurunbe Israel mar goyen forok ma yekeya basiña yiriñ geb, alya bereyamiñ go ma pel yiriñ. Be, deñbe Al Kurunyen asañde Al Kurunyen mere basañ al Elaia beñ Israel mar niñ igiñ ma nurde Al kurun gusuñañ iriñ gote barañmiñbe bitiñ sir ma yeñ hiyen gogo.

³ Be, Elaia beñ Al Kurun gaha inyiñ: “Doyañ Al Kurun, mere basañ margebe gasa yirke kamañ. Irde ge galak girde hanñen altabe pir yirde pasi hañ. Ne muñ po gab gago hime gega, ne wor mununniñ ten hañ,” inyiñ.

⁴ Irkeb Al Kurun beñ dahade wol hiriñ? Yeñ beñ gahade wol hiriñ: “Nebe nigeñ ge Israel mar 7,000 basiña yirmiriñ hañ. Niñgeb mel gobe det toneñ kura Bal ineñ hanñen goyen ma dolon irde hañ,” inyiñ.

* **11:1:** Benyaminbe Yekop urmiñ weñ 12 bana goñ funañbe gogo.

⁵ Niŋgeb gayenter gayen wor Israel mar bana al kura Al Kurun belen buninen yirde igin igin yirde basaŋa yirtin mar kura haŋ.

⁶ Mel gobe Al Kurun belen buninen yirde igin igin yirtin geb, basaŋa yiryin. Mel gote mata igin goke ma basaŋa yiryin. Munan matamin igin goke Al Kurun belen buninen yirde igin igin yiryin manhan yen belen buninen yirde igin igin yiryin gobe min minmon hewon.

⁷ Niŋgeb Israel mar nin daha yetek? Mel gobe Al Kurun dilinde al huwak hen hen ge kurut wor po yen hinhan. Goyenpoga gwahade ma hamin. Alya bereya Al Kurun belen yumulgan tiye yen basaŋa yirtin mar gore mun po gab Al Kurun dilinde al huwak hamin. Munan budam kurun gobe bin taren wor po irde Al Kurunyen mere pel iramin.

⁸ Matamin gwahade goke Al Kurunyen asande gahade katin hi:

“Al Kurun belen mel gote dufaymin mala tiyyin. Irkeb gayenter dilinde Al Kurunyen mere kenen haŋ gega, bebak ma ten haŋ.

Irde kirminde Al Kurunyen mere nurde haŋ gega, wukkek ma nurde haŋ,” yitin hi. *Saba 29:4; Aisaia 29:10*

⁹ Irde Dewit belen gaha yirin:

“Dula matamin gore po yukun bulunde yukukeb bulun hewon.

Irdeb yakten gasa yirwon.

Mata bulunmin gote murungembe gogo ten hinayin.

10 Go mar goyen diliñ titmiñ heñbe epte ma nankenwoñ.

Irde hugiñeñ kanduk kurun bana heñ pukiñ werwer po heñ hiwoñ,” yitiñ hi. *Tikiñ*
69:22-23

11 Be, Israel mar gwahade hañ goke gusuñan kura direñ. Israel mar yakteñ gasa yiryen yitiñ goyenbe fudinde gwaha yirke hugiñeñ bulun po heñbe sopte igiñ hetek ma henayiñ? Moñ! Israel mar gote mata bulun niñ teñbe Al Kurun beleñ al miñ hoyañ Yuda mar moñ goyen yumulğan tiyyiñ. Gogab Israel mar beleñ go yenenbe, “Daniñ geb neñbe gwahade ma hite?” yeñ biñ huwarwoñ yeñ nurdeb gogo Al Kurun beleñ gwaha yiryiñ.

12 Be, Israel mar beleñ mata bulun tiyamiñ goke teñ Al Kurun beleñ al miñ hoyañ megen hañ kurun goyen igiñ igiñ wor po yiryiñ. Irde Israel mar beleñ Al Kurunyen mere gama ird ird niñ soñ hamiñ goke teñbe al miñ hoyañ Yuda mar moñ goyen igiñ igiñ wor po yiryiñ. Niñgeb Israel mar tumñan Al Kurun hitte mulğan henayiñbe Al Kurun beleñ daha tiyyeñ? Yenbe amanen wor po nurdeb al igiñ igiñ yiryen gobe kurun wor po, hañkapy a igiñ igiñ yiryiñ gote folek wor po yiryen!

13 Be, deñ al miñ hoyañ Yuda mar moñ goyen mere kura direñ tihim. Nebe Al Kurun beleñ al miñ hoyañ Yuda mar moñ hitte kuñ merene tagalde hayiñ ninenbe meten go nuntiñ geb, metenbe goke turun turun titek hime.

14 Gwaha teñ himekeb nigen al Israel mar goyen nenenbe, “Daniñ neñbe gwahade ma

hite?” yeñ biñ huwarke mel goyen kura Yesu nurd unkeb Al Kurun belen yumulgan tiwon yeñ nurde gwaha ten himyen.

15 Israel mar belen Al Kurunyen mere pel iramin geb, Al Kurun belen mel go harhok yunenbe al min hoyan Yuda mar mon goyen awalik yiriyen. Gega Israel mar gore Al Kurun nin biñ mulgan hekeb Al Kurun belen yumulgan ten daha yiryen? Igin wor po yiryen. Go tinayin gobe al kamtinde mat huwartin yara tinayin.

16 Mata gwahade forok yiyyen gobe beret kura Al Kurun unnin yeñ kanbe ubala ten parwek dirnen mun kura Al Kurun galak irnayin gobe beret kurun goyen wor tumnan Al Kurunyen hiyyen go gwahade goyen. Irde he kura goyen filgininbe Al Kurun belen wukke iryenbe he gote haninya piginya kurun goyen wor wukke henayin go gwahade goyen.

17 Be, olip he yase gote hanin kura walde yemeydeb olip he duwi kurate hanin tenbe waltinde gore tur irke he duwi gote haninbe he yase gote hanin hirin. Irde olip yase filginin belen fe tulun ten hi goyen olip duwi hanin gor tur irtin goyen wor fimin goyen tulun ten gergen hirin. Be, olip duwi hanin gobe den al min hoyan Yuda mar mon gogo. Munan olip yase hanin gobe Israel mar. Nin geb Israel mar Al Kurun harhok unamin gote gasunbe den belen tamin.

18 Nin geb dindiken ge turun turun ten he yase gote hanin waltin Israel mar goyen det dirnen yeñ ma nurde yunen hinayin. Denbe dulin po

tur dirtiŋ haŋ. Deŋ beleŋ oliŋ yase gote filginiŋ† goyen tareŋ ma irde haŋ. Gwahade yarabe filginiŋ gore gab deŋ goyen saŋiŋ dirde hi.

19 Goyenpoga deŋ beleŋ huwardeb, “Gwaha, goyenbe oliŋ yase gote haniŋ Israel marbe baŋ yeŋ kattiŋ yara geb, neŋ gare gasuŋmiŋ titiŋ go,” yeŋ haŋ.

20 Be, gobe fudinde gega, mel gobe Yesu niŋ dufaymiŋ tareŋ ma yirkeŋ gogo walde yimiyyiŋ. Munan deŋbe yeŋ ge dufaytiŋ tareŋ irtiŋde matbe gogo gasuŋmiŋ tamiŋ. Deŋ wor Al Kurun beleŋ Israel mar pel yiryiŋ gwahade goyen diryeŋ geb, dindikeŋ ge turun turun ma teŋ kafura heŋ ga hinayiŋ.

21 Al Kurun beleŋ he yase gote haniŋ wor po goyen yeŋ ge dufaymiŋ saŋiŋ ma yirkeŋ walde yimiyyiŋ. Niŋgeb deŋ oliŋ duwi haniŋ duliŋ dawan gor tur dirtiŋ goyen Al Kurun niŋ dufaytiŋ tareŋ ma yirnaŋiŋbe walde demey demeymiŋbe meteneŋ moŋ geb, dindigeŋ ge turun turun ma teŋ kafura heŋ ga hinayiŋ.

22 Niŋgeb Al Kurunbe igiŋ igiŋ po ma diryeŋ, bulun dirtek goke manan nurde ga hinayiŋ. Yeŋbe al kura meremiŋ gama ma irde hinayiŋ marbe bulun yiryen. Munan deŋ yeŋ ge dufaytiŋ tareŋ irtiŋ marbe igiŋ igiŋ diryeŋ. Munan gwahade ma tinayiŋbe deŋ wor walde dimiyyeŋ.

23 Be, Israel mar Al Kurun beleŋ bikkeŋ walde yimiyyiŋ goyen yeŋ ge dufaymiŋ saŋiŋ ma yird yird mata goyen tubul tinayiŋbe Al Kurun beleŋ

† **11:18:** Oliŋ yase filginiŋbe Israel marte hakwamiŋ Abraham, Aisakyabe Yekopya niŋ yitiŋ.

yadeb olip hemin̄de sopte tur yiryen̄. Al Kurun̄be gwaha yird yird taren̄ min̄yan̄ geb, igin̄ gwaha yiryen̄.

²⁴ Den̄be olip duwi hanin̄ yara gega, Al Kurun̄ belen̄ olip yasere gor tur dirkeb he gote hanin̄de geren̄ hamin̄. Nin̄geb Israel mar olip yase gote hanin̄ wor po goyen gasun̄en̄de sopte tur ird irdbe meten̄en̄ mon̄ wor po. Aran̄en̄ po tur iryen̄.

Al Kurun̄be al tum̄nan̄ bunin̄en̄ yirde hiyen

²⁵ Be, kadne yago, mere kura banare nin̄ goyen den̄be ken̄kela bebak tiwon̄ yen̄ nurde hime. Gogab dufaytin̄ wukkek yen̄ dindiken̄ ge turun̄ turun̄ ma ten̄ hinayin̄. Be, merebe gahade: Israel mar belen̄ bin̄ taren̄ irde Al Kurun̄yen mere pel irde han̄ gobe hugin̄en̄ ge mon̄. Go ten̄ han̄ gobe al min̄ hoyan̄ Yuda mar mon̄ goyen Al Kurun̄ belen̄ dufaymin̄de gwahade wanayin̄ yen̄ nuryin̄ goyen wan̄ ep heke gab bada hen̄ Al Kurun̄ nin̄ bin̄ mulgan̄ henayin̄.

²⁶ Irkeb Al Kurun̄ belen̄ Israel mar goyen tum̄nan̄ yumulgan̄ tiyyen̄. Nin̄geb goke ten̄be Al Kurun̄yen asan̄de gahade katin̄ hi:

“Yumulgan̄ ten̄ ten̄ Albe Yerusalem[‡] mat forok yiyyen̄.

Yen̄ belen̄ Yekopyen min̄de nin̄ marte mata bulun̄ goyen yad sin̄a yiryen̄.

²⁷ Goya goyenbe mata bulun̄min̄ halde yunen̄. Gabe mel go hitte bin̄a timirin̄ go goyen,” yitin̄ hi. *Aisaia 59:20-21; 27:9*

²⁸ Be, gayenter gayen Israel mar gobe Yesu nin̄ yitin̄ mere igin̄ goyen pel irde han̄ geb, mere igin̄

[‡] 11:26: Kurabe Saion.

gobe den al miñ hoyañ Yuda mar moñ hitte kukeb gogo nurde hañ. Mata gobe den ge ten forok yitiñ geb, gogo Israel mar gore Al Kurun asogo irde hañ. Gega Israel marbe asem wen Abraham, Aisakyabe Yekopya goke tenbe Al Kurun belen basaña yiryiñ geb, gayenter wor Israel mar goyen bubulkunne wor po yen nurd yunen hi.

²⁹ Al Kurunbe alya bereya nigen yen basaña yirde guram yirde sañiñ yiryenbe go ma sopte tarenmiñ tumulgañ tiyyen geb, gogo Israel mar niñ amañen nurde hiyen.

³⁰ Munañ den al miñ hoyañ Yuda mar moñbe bikken Al Kurunyen mere gama ma irde hinhan gega, Israel mar gore meremiñ gama ma irkeb gayenter Al Kurunyen buninen dufaybe den hitte hi.

³¹ Niñgeb Israel mar Al Kurunyen mere gama ma irde hañ goyen wor Al Kurunbe den Yuda mar moñ goyen buninen diriñ gwahade goyen po yiryen.

³² Al Kurun belen alya bereya buninen yirde igiñ igiñ ma yiryenbe epte ma mata buluñ bana mat siñare katnayiñ goyen yikala yiren yenbe nurtiñde po alya bereya tumñañ yubul tike meremiñ pel irtiñde po hinhan.

³³ Fudinde, Al Kurunyen buninen dufayya dufay wukkekminyabe kurun wor po. Yenbe det kurañ ma wor po amu hen hiyen. Niñgeb ganuñ al belen dufay kerde hiyen goyen gwahade gwahade yen tagalnayiñ? Irde ganuñ al belen matamiñbe gwahade yen bebak tinayiñ? Hubu wor po!

³⁴ Niᅅgeb goke teᅅbe Al Kurunᅅyen asaᅅde ga-hade katiᅅ hi:

“Ganuᅅ beleᅅ Doyaᅅ Al Kurunᅅyen dufay keneᅅ bebak tiyyeᅅ? Epte moᅅ.

Ganuᅅ beleᅅ dufay igiᅅ kura unyeᅅ? Epte moᅅ,”
yitiᅅ hi. *Aisaia 40:13*

³⁵ Irde,

“Ganuᅅ beleᅅ Al Kurunᅅ det kura untiᅅ geb, gote wolmiᅅeᅅ unteᅅ hi? Hubu wor po,” yitiᅅ hi. *Yop 41:11*

³⁶ Fudinde, det kurunᅅ gabe Al Kurunᅅ hitte mat po watiᅅ, irde yeᅅ beleᅅ po yiryiᅅ. Irde det kurunᅅ gabe yeᅅ beleᅅ po gab pasi kiryeᅅ. Niᅅgeb yeᅅ po ga hugiᅅeᅅ deᅅem turᅅuᅅ yaᅅ irde hiteᅅ! Fudinde wor po.

12

Yesuyen alya bereyat mata gergeᅅ

¹ Niᅅgeb, kadne yago, Al Kurunᅅ beleᅅ neᅅ gayeᅅ bunieᅅeᅅ wor po dirde hiyeᅅ geb, mere tareᅅ po direᅅ tihim: megeᅅ heᅅya dindikeᅅ goyeᅅ det kura Al Kurunᅅ galak irtiᅅ yara Al Kurunᅅ unnayiᅅ. Gwaha irniᅅ yeᅅbe dindikeᅅ goyeᅅ Al Kurunᅅ diliᅅde wukkeᅅ, yeᅅ beleᅅ amaᅅeᅅ nurteᅅ mat po mata teᅅ hinayiᅅ. Mata gwaha teᅅ hinayiᅅ gobe Holi Spirityeᅅ saᅅiᅅde Al Kurunᅅ dolonᅅ ird ird matabe gogo teᅅ hinayiᅅ.

² Irde megeᅅ niᅅ marte mata go ma gama irde hinayiᅅ. Gwaha titᅅeᅅbe dufaytiᅅ gergeᅅ igiᅅ po yirde matatiᅅ hoyeᅅ teᅅ hinayiᅅ. Gwaha irde gab Al Kurunᅅyen dufay goyeᅅ keneᅅ bebak teᅅ

hinayiņ. Al Kurunyen dufayde det damiņbe igiņ, mata dahadebe Al Kurun belen amaneņ nurde hiyen, irde mata damiņbe Al Kurun diliņde buluņ miņmoņ goyen yenen keņkela bebak teņ hinayiņ.

³ Be, Al Kurun belen bunineņ nirde igiņ igiņ nirde metenmiņ nuntiņ geb, deņ haņ kurun goyen mere kura direņ tihim. Merebe gahade: deņ bana goyen al kura yiņgeņbe al gwahade moņ gega, nebe al gwahade yeņ yiņgeņ ge turuņ turuņ ma teņ hiyeņ. Gwaha titteņbe Al Kurun niņ dufaytiņ tareņ ird ird goyen bitiņ bana kirtiņ gobe dahade, kurun ma dirneņ goyen keņkela dufay heņ bebak teņ gab deņ duņkureņ duņkureņbe dahade haņ goyen nurde hinayiņ.

⁴ Gobe neņ kurun gabe ulniniņ pigiņ mananeņ, irde ulniniņdebe det kurayen kurayen goyen gor haņ geb, gago dineņ hime. Be, det gobe meten uņkureņ po ma teņ haņ, hoyaneņ hoyaneņ teņ haņ.

⁵ Niņgeb gwahade goyen po, neņbe budam wor po gega, Yesu Kristuya heņbe Yesuyen uliņ pigiņ po hitiņ hite. Irde neņ duņkureņ duņkureņbe Yesuyen alya bereya hoyaneņ hoyaneņ goyen faraneņ yurd yurd niņ hite.

⁶ Goke teņbe neņ kurun gabe Al Kurun belen bunineņ dirde igiņ igiņ dirdeb Holi Spirityen tareņ forok ird ird mata kurayen kurayen goyen nende gigen duntiņ hite. Gwahade duntiņ gobe Al Kurun belen neņ duņkureņ duņkureņ damiņ duneņ yeņ dufaymiņ kirtiņ goyen po gama irde duneņ hiyen. Niņgeb al kura Al Kurunyen mere basaneņ heņ tagal tagal mata miņyaņ kenem Al Kurun niņ hekkeņ nurde hitiņ gobe kurun ma

dirneŋ goyen keneŋ bebak teŋ gab metenbe goyen tuŋande po meten teŋ hiyeŋ.

⁷ Al kura al hoyan faran yurd yurd sanin titin kenem go tareŋ titin goyen gama irde al faran yurde hiyeŋ. Munan al saba yird yird tareŋ titin kenem yeŋ wor gwahade po, saba yirde hiyeŋ.

⁸ Be, al kura al hoyan kanduk yenke sanin yird yird tareŋ titin kenem gwahade po teŋ hiyeŋ. Munan al kura al hoyan det yunen yunen tareŋ titin kenem wilakneŋ nurdeya det al yunen hiyeŋ. Irde al kura doyan al heŋ heŋ tareŋ titin kenem al gobe yul ma yeŋbe al hoyan kenkela doyan yirde hiyeŋ. Irde al kura al hoyan bunineŋ yird yird sanin titin kenem al gobe aman dufay hende gwaha teŋ hiyeŋ.

Kadtiŋ ge amanen nurd yunen hinayiŋ

⁹ Be, deŋbe al hoyan nin amanen nurd yunen yabe bitinde mat fudinde wor po gwaha teŋ hinayiŋ. Irde mata bulunbe harhoktin yunen, mata iginbe tareŋ po yanarde hinayiŋ.

¹⁰ Kadtiŋya kadom amanen nurd gunen teŋ eke merere po hinayiŋ. Irde dindiken turun yirtineŋbe kadtiŋ yago wa turun yirde hinayiŋ.

¹¹ Be, Al Kurunyen meten teŋ teŋ nin pineŋ ma heŋ hinayiŋ. Tareŋ po heŋbe bitin bana mat wor po Al Kurunyen meten teŋ hinayiŋ.

¹² Irde Al Kurun belen igin diryen yeŋ goke doyan henya amanen po nurde hinayiŋ. Kanduk bana hen yabe Al Kurun belen kanduk go pasi iryen yeŋ doyan heŋ heŋ nin pineŋ ma heŋ hinayiŋ. Irde hugineŋ Al Kurun mere irde hinayiŋ.

13 Be, Al Kurunyen alya bereya kura det kurañ amu heñ hike yeneñbe dettiñ kura yuneñ hinayiñ. Irde al hoyañ yatiñde wakeb gargar yirde hinayiñ.

14 Be, al kura buluñ buluñ dirde hinayiñ mar goyen Al Kurunyen tareñde guram yirde sañiñ yirde hinayiñ. Sopte dineñ hime. Al goyen guram yirde tareñ yirde hinayiñ, karan ma yurde hinayiñ.

15 Irde alya bereya amanenñ nurde hikeb den wor yen nurnayiñ gwahade goyen po amanenñ nurde hinayiñ. Irde alya bereya esenñ hikeb den wor yen nurnayiñ gwahade goyen po nurde esenñ hinayiñ.

16 Dindikenñ uliñbe awalikde hinayiñ. Irde dindikenñ ge turuñ turuñ ma tenbe al mali denem moñ mar goya awalik heñ heñ niñ amanenñ nurde hinayiñ. Irde, “Neñbe dufay wukkenñ epte hite,” yen ma nurde hinayiñ.

17 Be, al kura belenñ buluñ buluñ dirkeb wol hihim yenñ buluñ ma irde hinayiñ. Al tumñañ diliñde mata igiñ po tenñ tenñ niñ kenkela heñ ga hinayiñ.

18 Irde bitiñ kamke al hoyanya tumñañ awalikde heñ heñ belnenñ kura hike kenem gwahade heñ heñ ge kurut wor po yenñ hinayiñ.

19 Kadne yago, al kura belenñ buluñ dirkeb wol ma heñ hinayiñ. Gwaha titnenñbe Al Kurunñ haniñde kerde hinayiñ. Irkeb yenñ belenñ gab al goke bearar tenñ murunñgem buluñ unyenñ. Al Kurunyen asañde Doyañ Al Kurunñ belenñ, “Buluñ dirañ mar goyen wol heñ heñ gobe nere metenñ.

Ne belen gab matamin gote murungem yunen,” yirin geb, gago dinen hime.

²⁰ Niñgeb Al Kurun belen, “Asogoge kura binje kamke yenenbe binje yunen hayin. Fe nin yirkeb fe yunen hayin. Gwaha ten hayin goyen genenbe mel gobe memya nin yumu henayin. Gobe kak kulum bok yen hitin yade al go tonan hende yerayin go gwahade goyen,” yitin geb, wol ma hen mata igin gwahade po ten hinayin.

²¹ Mata bulun belen fole dirtek ma hinayin. Gwahade hitnenbe mata igin po ten hinayin. Irkeb goreb mata bulun fole irde hiyen.

13

Doyan mar karkuwan palap yirde hinayin

¹ Be, gabmanbe Al Kurun belen kerdeb alya bereya doyan yird yird sanin unti geb, den kurun gobe doyan martinde yufukde hen meremin gama irde hinayin.

² Munan doyan marte mere pel irde han mar gobe yen goyen po ma asogo yirde han. Gobe Al Kurun, gabman goyen kerde taren unti al goyen asogo irde han. Niñgeb gwaha ten han marbe yingen kanduk yawarnayin.

³ Doyan marbe mata igin ten han mar goyen bulun yirtek ma nurdeb mata bulun ten han mar go po gab bulun yird yird nin nurde han yen geb, gogo doyan marte mere nurde hinayin dinen hime. Denbe doyan martin belen bulun dird dird nin kafura hen han kenem mata huwak po ten hinayin. Irkeb turun dirde hinayin.

⁴ Mel gobe keperd keperdtin igin ird ird nin Al Kurun beley meten yuntin geb, gogo mata huwak ten hikeb turun dirde hinayin. Gega doyan mar gobe mata bulun gote murungem dunen dunen taren minyan geb, mata bulun tinayinbe mel goke kafura henayin. Mel gobe Al Kurun beley mata bulun ten han mar goyen beararmin yikala yird yird meten yuntin geb, mata bulun mar goyen murungem bulun yunen hanen.

⁵ Nin geb goke tenbe doyan martinde mere gama irde hinayin. Go ten hinayin gobe doyan martin beley bulun dird dird nin kafura henya po ga ma ten hinayin. Mata igin ten ten dufay gama ird ird nin bitinde wukken wor po nurdeya ga ten hinayin.

⁶ Nin geb goke tenbe teks wor yerde hinayin. Doyan marbe alya bereya doyan yird yird meten yuntin geb, teks go yadebe gore po alya bereya faran yurde hanen.

⁷ Nin geb den tumnan da kura gabman haniinde kertek gobe kerde hinayin. Teks kurayen kurayen yertek han kenem yerde hinayin. Munan kafura yirtek marbe kafura yirde hinayin. Irde palap yirtek yenenbe palap yirde hinayin.

Kadtin ge amanen nurde yunen hinayin

⁸ Be, al kura hitte kun det kura nin gusunan irde yawartin kenem aranen po wol hen hinayin. Irkeb gog po hubu hiyyen. Goyenpoga wol heke hubu ma hetek det kurabe kadtin ge amanen nurd yunen yunen mata gogo geb, huginen gwahade po ten hinayin. Al kura kadom ge amanen nurde unen hi al gobe Moseyen saba kurun gote

miŋ goyen gama irde pasi irde hiyeŋ geb, gogo kadtin ge amanen nurde yunen hinayin dinen hime.

⁹ Moseyen sabarebe, “Al berem yan beleŋ bere hoyan ma duwan irde hiyeŋ. Bere wor gwahade po ten hinayin. Irde al ma gasa yirke kamde hinayin, kawe ma ten hinayin, kadtin igin hike kenenbe daniŋ nebe gwahade mon yeŋ ma nurde hinayin,” yitin. Irde saba go banabe mere sanin hoyan manan han. Goyenbe saba bana mere tareŋ han kurun gote miŋ wor pobe mere unkenen gago po: “Gigen ge amanen nurde hayen gwahade goyen po, al hoyan nin manan gwahade po nurde yunen hayin,” yitin go goyen.

¹⁰ Al kura kadom ge amanen nurd yunen hiyeŋ al gobe epte ma kadom bulun yiryen. Goke tenbe al kura kadom ge amanen nurd unyen al gobe Moseyen saba kurun goyen gama ird pasi hiyyen yihim gago.

Nalu funanbe binde heŋ hi

¹¹ Be, den gayenterbe da nalure han goyen nurde han geb, gago mata igin gwahade ten hinayin dinhem. Hanƙapya den beleŋ Yesu Kristu nin dufaytin tareŋ iramin goyenter mat wan wan gayenterbe yeŋ beleŋ dumulgan tiyyen nalu funan goyen binde wor po heŋ hi. Niŋgeb dufaytinde firтин yara han goyen bitin bak yetek nalu gobe bikken binde hihi geb, huwarnan.

¹² Mata bulun gobe wawun kidoma yara goyen hubu hewen tiya. Irkeb nanƙa fay urde wuk yewen tiya geb, kidoma bana nin mata bulun gobe yubul po tenbe Al Kurunyen mata hulsi yara

goyen tanarde hinayin. Gobe fulenore nin amil ain belej po irtin goyen hor titin yara ten hinayin.

¹³ Ningeb farenje han marte mata igin po ten hinayin. Irde dula mata po ten ten mata, fe nene kukuwa hen hen mata, lelep mata, kari bulun bulun ten ten mata, irde ard ard matayabe kadam igin mat hike goke bin ar yen yen mataya goyen ma po ten hinayin.

¹⁴ Gwaha titnenbe Doyan Al Kurun Yesu Kristuya hen yen belej mata igin ten hiyen gwahade po ten hinayin. Irde megen nin dufay bulun go gama irde ultinde aman hen hen nin ma nurde hinayin.

14

Kadtiñde mata nin mali ma tagalde hinayin

¹ Be, den han bana goyen al kura dufaymin Al Kurun nin sanin irtin goyen tarej wor po ma hike yenenbe goke ma nurde awalik yirde hinayin. Irde dufaymin kura goke mel goya kadam mohonde ma ten hinayin.

² Al kurabe Al Kurun nin dufaymin tarej irtin goyen kurun geb, det kurun gabe igin ala netek yen nurde hanjen. Goyenpoga al kurabe Al Kurun nin dufaymin sanin irtin goyen hako po han geb, panin po gab igin nen hitek yen hanjen.

³ Ningeb al kura det kurun gabe igin nene hitek yen hinayin mar belej panin po nene hinayin mar goyen, “Dufaytinbe tarej moj,” yen yenen tagal yunenbe al goyen go ma yenhet yenhet ma yirde hinayin. Irde panin po nene hinayin mar belej det kurun gayen igin ala nene hinayin mar

goyen, “Denbe bulun ten han,” yinen merer ma yirde hinayin. Mel gobe tumnan Al Kurun belen bikken igin ala yintin han geb, gago dinen hime.

⁴ Denbe al ganunyen tarende al hoyande meten mar tagal yunen han? Mata gobe bulun wor po! Ningeb meten mar gobe Doyan Almin belen gab mel gote mata yenenbe igin ma bulun yinyen. Doyan Al Kurunbe mel go igin sanin yiryen geb, taren po huwarnayin.

⁵ Gwahade goyen po, al kurabe nalu kura po gab nalu kenkelak, Al Kurunyen nalu yen nurde hanjen. Goyenbe al kurabe nalu tumnan igin ala tunande po yen nurde hanjen. Goyenbe goyen goke kadom mohonde ma ten hinayin. Nalu kurun dahade kura nurde hinayin gobe yingen binde po hiyen.

⁶ Fudinde, nalu kura po gab nalu kenkelak Al Kurunyen nalu yen nurde hanjen marbe Doyan Al Kurun turun ird ird nin gwaha ten hanjen. Irde al kura det kurun gab igin netek ala yen hanjen mar wor binde goke Al Kurun igin nurd unen gab nene hanjen geb, go mata gore Al Kurun turun irde hanjen. Irde al kura det kura kutna irde hanjen marbe go ten hanjen goreb Al Kurun turun irde det kutna irtin goke Al Kurun igin nurd unen hanjen.

⁷ Nen kurun gayen hitek ma kamtek wet kurun gobe nindiken ge ma hitek, Doyan Al Kurun nin ten hitek geb, gogo ten hityen.

⁸ Ningeb dilninin gergen hitek gabe Doyan Al Kurun nin po tenbe hitek. Irde kamtek wor yen ge po ten kamtek. Ningeb dilninin gergen hitek

wet ma kamtek wet kurun goyen tumnan nenbe Al Kurunyen alya bereya po geb.

⁹ Be, goyen goke tenbe al kamtinya dilin gergen hanya kurun gote Doyan Al Kurun hewen yenbe Yesu Kristu gogo megen gar katen kamde sopte huwaryin.

¹⁰ Ningeb denbe danin geb kadtinde mata yenen goke merer yirde han? Irde danin geb kadtin goyen al taren minmon yen yenen tagal yunenbe al goyen ma yenhet yenhet yirde han? Nenbe tumnan Al Kurun dilinde merere huwartek geb, gwaha ma ten hinayin.

¹¹ Nejen tumnan Al Kurun dilinde merere huwartek goke Al Kurunyen asande gahade katin hi:

“Doyan Al Kurunbe gaha yen hi:

‘Fudinde wor po nebe gwahader himyen.

Megen nin mar tumnan ne hitte wan dokolhon yugulun tinayin.

Alya bereya tumnan, “Gebe Al Kurun,” nin-nayin,’ ” yitin hi. *Aisaia 45:23*

¹² Goke tenbe yitin gwahade po, nen kurun gabe nende gigen mataninin Al Kurun momon irnin.

¹³ Ningeb, kadininde mata yenen goke ma tagalde hitek yen dufay sanin po kertek. Irdeb mata gwaha titeke al kadtin dufaymin bulun heke mata bulunde katnak yenbe mata gwahade ma titek yen dufay taren po kerde ga mata ten hinayin.

¹⁴ Nebe Doyan Al Kurun Yesuya har geb, dufaynerbe det kurun gayenbe tumnan Al Kurun

diliñde tikiñ miñmon yey nurde hime. Goyen-poga al kura belen det kurabe Al Kurun diliñde tikiñ miñyan yey nurde hañ kenem yey hitte po ga det gobe tikiñ miñyan hiyyen.

¹⁵ Niñgeb den belen binje kurun gabe Al Kurun diliñde igiñ ala po yey nurde nene hinayin. Gega kadtiñ kura gwahade ma nurde hiyen gore denenbe binde kandukñen nurde hiyenbe mata gobe kadtiñ ge amanen nurd yunen yunen mata goyen gama ma irdeb gogo ten hinayin. Niñgeb binje kura nenayin goke tenbe kadtiñ kura Yesu Kristu yey ge ten kamyin gote dufaymin bulun ma irnayin.

¹⁶ Irde dufaytiñde mata kurabe igiñ yey nurde hinayin gega, al kura mata gobe igiñ mon yey nurde hike kenenbe mata go ma ten hinayin.

¹⁷ Al Kurun belen alya bereya doyan yird yird bana gonbe bingeya feya nen nen mata gobe det kurun mon geb, gago dinen hime. Munan dawet kurun wor pobe Al Kurun diliñde huwak hen hen mataya bin kamke igiñ hen hen matayabe Holi Spiritya hen aman hen hen mataya go goyen.

¹⁸ Fudinde, al kura mata gwaha mat Yesu Kristu nin meten ten hiyenbe matamin goke Al Kurun belen amanen nurde hiyen, irde al hoyan wor al gote meten goke turun irde hinayin.

¹⁹ Niñgeb nenbe bininin kamke hen hen mataya kadam taren gird gird mataya goke kurut wor po yey hitek.

²⁰ Munan dula matatin ge ten Al Kurunyen meten bulun ma irde hinayin. Binjebe tumñan Al Kurun diliñde wukkeek geb, netek igiñ ala.

Goyenpoga al kadrinin kura binje goyen ma nene hitin neteke denenbe dufaymin bulun heke mata bulunde katyen go gab bulunbe gogo titek.

²¹ Ningeb kadtin kura matatin kenenbe mata bulunde katnak yenbe dapna wet ma wain wet kura goyen go ma nene hinayin. Matatin hoyan kura gwaha yirtek han kenem goyen wor gwaha ma ten hinayin. Gwaha ten hinayin gobe Al Kurun dilinde mata igin geb, gago dinen hime.

²² Dufaytinde binje ma wain ma mata kura goke igin ala yen nurde hinayin kenem dufaytin goyen denya Al Kurunya hitte po hiyen. Al kura mata kura igin yen nurde ten hiyen irde goke mata bulun tihim yen binde bulunen ma nurde hiyen al gobe Al Kurun belen guram irde sanjin iryen.

²³ Gega al kura binje kura Al Kurun dilinde wukke mon yen nurde kama hen hen ga niyyenbe gobe yingen ulinde merem yan hiyyen. Gobe dufayminde mata gwahadebe igin mon yen taren wor po ma irtin geb, dufay budam forok yitinde mat niyyen geb, gogo yingen ulinde merem yan hiyyen. Ningeb al kura mata kura igin ma bulun goyen kenkela bebak ma tenbe goke dufaymin taren ma irdeya mata goyen tiyyenbe mata bulun minyan hiyyen.

15

Kadtin ge nurdeya ga mata ten hinayin

¹ Be, denya nenya Al Kurun nin dufayninin sanjin irtin goyen kurun hitin marbe kadrinin dufaymin taren wor po ma hitin gore mata kura

son hekeb faran yurde hitek. Irde nindiken aman hetek belnen po ma gama irde hitek.

² Nen dunken dunken kurun gayen tumnan kadininigin hen hen ge nurdeb yen aman hetek irde taren hetek mata goyen po ten hitek.

³ Yesu Kristu wor yingen amanen hen hen ge ma nurde hinhin. Gwaha titnenbe Al Kurunyen asande, "Al Kurun, al belen nanyan girde han gobe ge ma girde han, ne nirde han," yitin hi.

⁴ Mere gobe nen gayen saba diren yen bikken wor po Al Kurunyen asande katin. Gobe nen belen mere go nurdeb kanduk yenen mukku ma ten goya goya sanin po hen kame Al Kurun belenigin diryen yen goke doyan hen hinayin yen gogo katin.

⁵ Ningeb den goyen kanduk yenen mukku ma ten goya goya sanin po hen huward huward taren goyen dunen hiyen al Al Kurun gore guram dirkeb dindiken ulin dufay unken po hen awalikde po hiwon yen nurde hime. Go mata gobe Yesu Kristuyen alya bereya belen titek mata yen nurde hime.

⁶ Gogab dufaytinja meretinja unken po yirdeb Doyan Al Kuruninin Yesu Kristuyen Nanin, Al Kurun denem turnun yan irde hinayin.

⁷ Ningeb Yesu Kristu belen den goyenigin dinyin gwahade goyen po, Al Kurun denem turnun yan ird ird nin tenbe dindiken ulin kadamigin genen ten hinayin.

⁸ Yesu Kristube Al Kurun belen hakot Yuda marte hakwamin yago hitte bin tiyyin goyen funde kawan forok yeke Yuda mar belen kenen bebak ten ten ninbe gogo Yuda mar gote meten al

heñ megen gar katyiñ geb, gago kadam igiñ nurd guneñ teñ hinayiñ dinenñ hime.

⁹ Be, Yesu megenñ gar katyiñ gobe al miñ hoyañ Yuda mar moñ belenñ keneñbe Al Kurunñ belenñ bunineñ yirde hiyen goke denem turnuñ yañ irde hinayiñ yenbe gogo megen gar katyiñ. Niñgeb goke tenbe Dewit belenñ Al Kurunñyen asañde tikiñ kura gahade kayyiñ:

“Niñgeb ne gayen al miñ hoyañ Yuda mar moñ kahal bana heñ turuñ girde heñ. Denge isañ heñ heñ ge tikiñ hewenñ,” yitiñ hi.
Tikiñ 18:49

¹⁰ Irde kurabe:

“Al miñ hoyañ Yuda mar moñ, denbe alya bereyamiñ Yuda marya aman henañ,” yitiñ hi. *Saba 32:43*

¹¹ Be, mere hoyañbe gahade:

“Den al miñ hoyañ Yuda mar moñbe tumñañ Doyañ Al Kurunñ turuñ irde hinayiñ. Den alya bereya megen hañ tumñañ turuñ irde tikiñ henayiñ,” yitiñ hi. *Tikiñ 117:1*

¹² Irde Aisaia belenñ gahade kayyiñ:

“Yesiyen* miñde niñ al kura forok yiyyen. Yen belenñ al miñ hoyañ Yuda mar moñ doyañ yirenñ yen wayyenñ.

Irkeb mel gobe yen belenñ wañ igiñ yird yird niñ doyañ heñ hinayiñ,” yitiñ hi. *Aisaia 11:10*

¹³ Be, Al Kurunñbe denñ igiñ dird dird goke doyañ heñ heñ tarenñ duntinñ. Niñgeb denñ belenñ

* **15:12:** Yesibe Israel marte doyañ al kurunñ Dewit naniñ.

yeŋ ge hekkeŋ nurde hike Al Kurun beleŋ goke aman dufay kurun wor po dunwon, irde bitin yisikamke igin hiwon yeŋ gusunan irde hime. Gogab Holi Spirityen saninde Al Kurun beleŋ kame igin diryen goke doyan heŋ heŋ matatin gobe tareŋ wor po hiyyen.

Pol beleŋ asan ga kayyin gote miŋ momon yirin

¹⁴ Be, kadne yago, nebe fudinde wor po den goyen mata igin kurun teŋ hanjen, irde Al Kurunyen mere nurd pasi hitin han, irde epte dindiken ulin kadom saba gird teŋ hitek han yeŋ nurde hime.

¹⁵ Gega asan ga kan henyaŋ saba kura goke bitin bak yeŋ yeŋ ge kayhem. Irde Al Kurun beleŋ buninen nirde igin igin nirde hiyen geb, merene gake den beleŋ dahade nurd nunnayin yeŋ kafura ma henya kawan po kayhem.

¹⁶ Fudinde, Al Kurun beleŋ buninen nirde igin igin niryen geb, al miŋ hoyan Yuda mar mon hitte kun meten teŋ hiyen yeŋ Yesu Kristuyen meten al niryin. Niŋgeb nebe Al Kurunyen mere igin Yesu nin yitin goyen tagalde tukunbe Al Kurun dolon ird ird mata doyan al pris yara heŋ al miŋ hoyan Yuda mar mon goke meten teŋ himyen. Gogab al miŋ hoyan Yuda mar mon gobe Holi Spirit beleŋ wukkeŋ wor po yirke Al Kurun galak irke aman hetek det yara henayin.

¹⁷ Niŋgeb nebe Yesu Kristuya henbe Al Kurun nin meten teŋ himyen goke nigen ge turnun yan nurde hime.

¹⁸ Gega nebe det hoyan kura goke mali mere titek ma nirde hi. Yesu Kristu beleŋ meten titin

goke po tagalde henj. Nebe yenj belej hulyan nirke kunj al minj hoyanj Yuda mar monj goyen Al Kurunj hitte yukumeke mereminj gama irde hinhan. Metenj go tenj hinhemyabe Al Kurunjen merere saba yirde mataner mat Al Kurunj yikala yirde hinhem.

¹⁹ Irde Holi Spirityen tarende mata tinjen turunjen yanj wor po kurayen kurayen forok yirde hinhem. Irkeb mel gobe mata goyen yenenbe Al Kurunj hitte wanj hinhan. Ningeb nebe gwahade po Yesu Kristu ninj yitinj mere iginj goyen Yerusalem mat minj urde tukunjen tukunjen Ilirikum nanja bana tagalde tukunjen pasi himirinjen.

²⁰ Nebe nanja kura Yesu Kristuyen mere momonjen ma nurde hitinj bana gonjen kunjen mere iginj goyen huginjen tagalde hitek nirde hiyen. Gogab al kura belejen bikkenjen kunjen metenjen tenjen Yesuyen alya bereya forok yirtinjen gor sopte nanja tinjenjen metenjen titinjen yara ma tiyenjen.

²¹ Go tenjen himyen gobe Al Kurunjen asanjen katinjen gwahade po tenjen himyen. Mere gobe gahade: “Al kura yende mere momonjen ma nurtinjen mar belejen kennayinjen.

Al kura yende mere ma nurtinjen mar belejen nurde bebak tinayinjen,” yitinj hi. *Aisaia 52:15*

Rom kunj kunj ninj yirinjen

²² Be, yitinj gwahade po nebe mereminjen ma kutinjen nanja bana ganjen metenjen budam forok yenjen hanjenjen geb, gago denjen hitte kunj kunj ninjen metenjen nirde hiyen.

23 Gega naŋa gayen bana tiyuŋ kura ne kuŋ meten titek kuram moŋ, irde dama budam den dentek wor po nirde hiyen geb,

24 Spein naŋare kuŋ henyaŋe den hitte forok yeŋ denen gab kwen yeŋ nurde hime. Belen goyaŋ gore kuŋ henyaŋe den hitte kuŋbe denya muŋ kura heŋ amaŋ heŋ gab dubul ten kwen. Irkeb ne gayen Spein naŋare kuŋ kuŋ niŋ faraŋ nurwoŋ yeŋ nurde hime.

25 Munaŋ gayamuŋ gayenbe Yerusalem niŋ Al Kurunyen alya bereya goke ten meten tiyen yeŋ gor kwen tihim.

26 Masedonia naŋaya Akaia naŋaya bana niŋ Yesuyen alya bereya belen Yerusalem niŋ Al Kurunyen alya bereya haŋ bana goŋ det niŋ amu heŋ haŋ mar goyen faraŋ yurd yurd niŋ amaŋen nurdeb hora yeraŋ geb, gago hora goyen yade Yerusalem kwen tihim.

27 Mel gobe faraŋ yurd yurd niŋ amaŋen nuraŋ. Goyenbe fudinde gwaha yirtek po faraŋ yurde haŋ. Al Kurunyen gasunde niŋ det Yuda mar belen titiŋ goyen al miŋ hoyan Yuda mar moŋ wor yeŋ hitte mat gab yawaramiŋ geb, goyen wolmiŋen megen niŋ samuŋ belen faraŋ yurtek haŋ geb, gogo faraŋ yuraŋ.

28 Niŋgeb mel gore hulyan niraŋ gayen pasi ireŋ. Irde Yerusalem mar goyen hora ga tumŋan teke yenenbe gor mat Spein belen kwen. Kuŋ belenbe den hitte forok yewen.

29 Ne den hitte kumekeb Yesu Kristu belen denya neya tumŋan guram dirde saŋiŋ wor po diryen yeŋ nurde hime.

³⁰ Be, kadne yago, nebe Al Kurunyen meten ten henya meten goke Al Kurun gusunan irde himyen. Ningeb den wor neya dufay unjukan po irde huginen taren po Al Kurun gusunan irde hitek yenbe gago Doyan Al Kuruninin Yesu Kristuyen taren hende huwarde gusunan dirde hime. Holi Spirityen saninde ne nin amanen nurde han geb, gago gusunan dirde hime.

³¹ Gusunan irde henyabe ne gayen Yudia nanare nin mar kura Yesuyen mere gama ma irde han mar gore bulun nirtek belnenmin goyen Al Kurun belen pet ten ten nin gusunan irde hinayin. Irde Yerusalem nin Al Kurunyen alya bereya faran yurd yurd nin nurde kun meten ten hen goyen mel gore igin nurnayin yen gusunan irde hinayin.

³² Gogab Al Kurunyen dufay kenem den hitte aman dufay hende kwen, irde denya neya tumnan sopte taren hetek.

³³ Al bin yisikamke igin hen hen al Al Kurun belen den kurun goya tumnan hinayin. Fudinde wor po.

16

Kadom nin yirin

¹ Be, nebe Fibi nin momon diren tihim. Yenbe Senkria taunde nin Yesuyen alya bereya sios nin meten ten hiyen. Yenbe Al Kurun dilinde nende hayninin wor po yara hitin.

² Be, bere gayen kukeb Doyan Al Kurun nin tenbe gargar irnayin. Mata gobe Al Kurunyen alya bereya belen titek mata geb, gwaha irnayin.

Irde farañ niñ nurde hikeb deñ beleñ farañ urde hinayiñ. Yeñbe al budam farañ yurde hiyen. Ne manañ farañ nurde hiyen geb, gago dineñ hime.

³ Prsilaya Akwilaya niñ dufay heñ himyen goke ire unya goyen momoñ yirnayiñ. Ire unya gobe meteñ kadne, Yesu Kristu niñ meteñ teñ haryen.

⁴ Ire unya gobe ne farañ nurye yeñbe kamde kamde niñ ma nurde hinaryum. Ne po moñ Yesuyen alya bereya hitiñ al miñ hoyañ Yuda mar moñ wor tumñañ ire unyat meteñ goke igiñ wor po nurde hityen.

⁵ Yesu Kristuyen alya bereya sios, ire unya gote yare gabu irde hanñen mar goke wor dufay heñ himyen geb, goke momoñ yirnayiñ.

Irde kadne wor po Epainetus manañ gwahade po innayiñ. Yeñbe Esia naña* bana goñ yeñ wa Yesu nurd unyiñ.

⁶ Maria wor gwahade po, ne beleñ yeñ ge dufay heñ hime goyen innayiñ. Yeñbe deñ ge teñ meteñ tareñ wor po teñ hiyen.

⁷ Irde nere miñde niñ al irawa Andronikusya Yuniasya goke dufay heñ himyen goke momoñ yirnayiñ. Irem gobe neya tumñañ koyare hinhet. Yeñbe Yesu Kristuyen mere basañ mar aposel buda kura bana niñ yeñ nurd yuneñ hanñen. Yeñ wa Yesu nurd unke gab kame ne wor Yesu nurd unmiriñ.

* **16:5:** Esia naña gobe gayenter niñ Esia naña kurun goke ma yitiñ. Gayenterbe Turki iney hanñen.

- 8 Irde Ampiliatus niŋ wor dufay heŋ himyen geb, momoŋ irnayıŋ. Yeŋbe Doyaŋ Al Kurunyen diriŋ yeŋ nurdeb yeŋ ge amajeŋ nurd unej himyen.
- 9 Be, Urbanusbe Yesu Kristu niŋ metej teŋ hiyen. Yeŋbe metej kadniniŋ wor po. Stakis wor gwahade po, yeŋ ge amajeŋ wor po nurd unej himyen geb, ne beleŋ yeŋ ge dufay heŋ himyen goyen momoŋ yirnaıŋ.
- 10 Irde Ampeles wor ne beleŋ yeŋ ge dufay heŋ himyen goyen momoŋ irnayıŋ. Yeŋbe Yesu Kristu gama irde heŋya kanduk yeneŋ hinhin gega, bada ma hirin goke Yesu beleŋ nigen al wor pobe gago yeŋ kinyin.
- Irde Aristobulusyen yare haŋ mar goke wor dufay heŋ himyen geb, goke momoŋ yirnaıŋ.
- 11 Nere miŋde niŋ al kura Herodion niŋ dufay heŋ himyen goyen momoŋ irnayıŋ.
- Irde Narsisusyen yare haŋ mar niŋ dufay heŋ himyen goyen momoŋ yirnaıŋ. Mel gobe Doyaŋ Al Kurunya haŋ.
- 12 Irde Trifinaya Trifosaya niŋ dufay heŋ himyen goyen momoŋ yirnaıŋ. Bere irawa gobe Doyaŋ Al Kurun niŋ metej saŋin wor po teŋ haryen.
- Kadne wor po Persis niŋ dufay heŋ himyen goyen wor momoŋ irnayıŋ. Yeŋ manaj Doyaŋ Al Kurun niŋ metej tareŋ wor po teŋ hanjen bere kurabe gogo.

- 13 Irde Rufusya milinya niñ dufay heñ himyen goyen momoñ yirnayin. Rufusbe Doyañ Al Kurun beñeñ basaña iryin. Milinbe mamne yara hitin.
- 14 Irde Asinkiritusya Flegonya Hermesya Patorobasya Hermasyabe kadom weñ mel goya hañ mar tumñañ goke dufay heñ himyen goyen momoñ yirnayin.
- 15 Irde Filologus, Yulia, Nereus, irde Nereus hayminya, Olimpas, irde Al Kurunyen alya bereya mel goya hañ mar goyen tumñañ ne beñeñ yeñ ge dufay heñ himyen goyen momoñ yirnayin.
- 16 Deñbe kadom pere gird teñ hinayin. Mata gobe Al Kurun dilinge wukkekk dinyen. Gar niñ Yesu Kristuyen alya bereya beñeñ tumñañ deñ ge dufay heñ hañ goyen momoñ yirayin ninañ geb, gago momoñ dirde hime.

Saba funañ

17 Be, kadne yago, dufaytin bulun irde deñ bana bipti forok irtek al niñ keñkela heñ ga hinayin. Irde al kura saba hoyañ dirde deñ saba nuramin goyen gama ird ird beñeñ pet teñ duntek al goke wor keñkela heñ ga hinayin. Al gwahade gobe yilwa po yirde hinayin.

18 Go mar gobe Doyañ Al Kurunninin Yesu Kristu niñ ma meten teñ hañ. Yingen ge po nurde mata gogo teñ hanjen geb, gago dinen hime. Go mar gobe al kura mel gote mere goyen bulun yeñ bebak titek moñ mar goyen hapek yan nurde fudinde yetek mat po usi mere yirde hañ.

19 Be, den belen Al Kurunyen mere gama irde han gote mere momonjinbe al tumnan nurd pasi hen han geb goke amanen wor po nurde hime. Goyenpoga den goyen mata igin ten henya kenkela dufay hen ga ten hinayin. Irde mata bulunbe mata bulun ten ten dufay minmon wor po hinayin yen gago mere taren po dirde hime.

20 Be, al bin yisikamde hiyen al Al Kurun belen hen ga mon Satan gote sanin ten sina irke den belen ufurka tinayin.

Doyan Al Kuruninin Yesu Kristu belen den goyen buninen dirde igin igin dirde hiwon yen gusunan irde hime.

21 Be, meten kadne Timoti belen den ge dufay hen hiyen goyen momon yirayin ninkeb gago momon dirde hime. Nere minde nin al Lusius, Yesonyabe Sosipaterya wor gwahade po.

22 (Be, nebe Tertius. Pol belen ninke asan gago kan hime. Ningeb ne wor Doyan Al Kurun nin ten den ge dufay hen hime gake bebak dirde hime.)

23-24 Be, Gaius belen den ge dufay hen hi goke bebak dirde hime. Yen belen ne Pol gayen gargar nirde hiyen. Irde Yesu Kristuyen alya bereya sios gar nin wor yen belen faran yurde hiyen.

Be, taun gate gabmanyen hora doyan ird ird marte doyan al Erastusya kadninin Kwartusya wor den ge dufay hen haryen goke momon dirde hime.

25 Be, den hitte kun Yesu nin yitin mere igin goyen tagalde kun himekeya den goyen igin taren dirtek albe Al Kurun gog po. Ningeb Al Kurun goyen denem turnun yan irtek. Mere igin gobe

damam damam banare hinhin geb, al belej epte ma bebak titek hinhin.

²⁶ Gega Al Kurun gwahader hitin gore mere basan marmin yinke asande kayamin goyen gayenterbe min kawan forok yitin han. Irkeb al min kurayen kurayen tumnan Yesu nin dufaymin tarej irde meremin gama irde han.

²⁷ Ningeb Al Kurun, yej po ga dufaymin wukkek goyen Yesu Kristu faran durkeb huginjan denem turun yan irde hitek! Fudinde wor po.

**Al Kurunyen Mere Igin
The New Testament in the Gwahatike Language of
Papua New Guinea
Nupela Testamen long tok ples Gwahatike long
Nuigini**

copyright © 2000 Wycliffe Bible Translators, Inc.

Language: Gwahatike

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-10

PDF generated using Haiola and XeLaTeX on 18 Apr 2025 from source files dated 31 Aug 2023

dbba218f-41f3-5f08-b0b6-2a7c919093ab